



सानसेयारि "बड'सा" खौरांलाइयाव अमान्यारि जिउजो लोब्बा थावाय रायथाय, अन्थाय, अल्, अल्'बाथा आरो हावबायारि थावनि, पार्क बाइदिनि सायाव लिउनाय लिउबिदां दैथाय हर/सानसेयारि "बड'सा" खौरांलाइया खेबखानावै फोसावगोन।

बड'सायाव लिउहरनायनि दुहा खालाम, "बड'सा" खौरां नोथो, जो बयबो आंगो खालाम।

सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Thursday ★ 12 October, 2023 Kokrajhar, BTC, Assam ★ Vol.- 33, Issue No.198 ★ R.N.I.Regd. No.40994/91, Assam Govt.Regd.No.IPRD.40/2006/3, ★ Rs.8/-

## अरुनदय बिथांखिनि गिबि आरो नैथि खोलोबनि सिडाव 26 लाख मुलाम्फायारिफोरा मुलाम्फा मोनगोनः गिबि मन्थि

दिसपुर, 11 सेप्टेम्बरः कक्राझारआव दिने खुंनया मोनसे हाबाफारियाव गिबि मन्थि उ हिमन्त बिश्व शर्माआ गोदान मुलाम्फायारिफोरनो कार्ड राना होनाने अरुनदयनि कार्ड रानाय हाबाफारिखौ बेखेवनाने होयो। मख'नो गोनांदि, अरुनदय 2.0 नि सिडाव 7.30 लाख गोदान मुलाम्फायारिफोरखौ सोसनाय जादों। बेनि जाउनाव अरुनदयनि सिडाव गासै मुलाम्फायारिफोरनि अन्जिमाया 26 लाख जाबाय। कक्राझार जिल्लायाव अरुनदय 2.0 आव गासै 21 रोजा गोदान



मुलाम्फायारिफोरखौ सोसनाय जादों। बेनि लोब्बायै खुंनया मेलाव गिबि मन्थि उ शर्माआ बुडोदि, थौजो मुलाम्फानि बिथांखिफोगव लोरबां थाखोखौ सोसनाया रइज्यो सरकारनि सिगांगो थोखि। खुंथाय गोहोयाव फे नायनि उनाव आधिखालनि रइज्यो सरकारा रांखान्थियारि महरै लोरबां आइजोफोरनो अरुनदयनि सिडाव लाबोनो खोथा होनाया मावफुं जाबाय। बिथाड बुंवावोदि, 26 लाख आइजोफोर दानफोमबो 10 अक्ट'खालि 1250 राडै बिसेरनि (□ 5 बिलाइआव)

## बाक्सा जिल्लायावबो मन्थि उखाव गोर ब्रह्मआ अरुनदय बिथांखिनि मुलाम्फायारिफोरनो गनायथिलाइ गथायजो

मुसलपुर, 11 अक्टबरः रइज्योनि गुबुन जायगाफोर बायदिनो बाक्सा जिल्लानि मुसलपुरआवबो रइज्यो सरकारा मावफुं नाय अरुनदय बिथांखिनि गनायथि लाइखौ रानाय जायो। मुसलपुर गोजोसिन गेजेरारि फरायसालिनि गेलेग्रा फोथाराव खुंनया मेलाव बे बिथांखिनि गनायथिखौ रानाने होयो रइज्यो सरकारनि केबिनेट मन्थि उखाव गोर ब्रह्मआ। बाक्सा जिल्ला बेंगिरि माचान्दा पार्टिनआ बराय बिबुंथि होनाय बे हाबाफारियाव दिने गासै सा 10



आइजोफोरनो गनायथिलाइ रानाने होयो। मख'नो गोनांदि, बाक्सा जिल्लायावबो बे खेबाव फिन 14 रोजा आइजोफोरखौ अरुनदय 2.0 बिथांखियाव सोसनाय जादों। दिने बाक्सा जिल्लानि 7 रोजा मुलाम्फायारिफोर अरुनदय 2.0 नि रांखो गाव-गावनि बेंक एकाउन्टआव मोनो हादों आरो (□ 5 बिलाइआव)

## बड'लेण्ड मुलुगसोलोसालिनि भि.सि.नि आयदाखौ लानाने गिबि मन्थि उ हिमन्त बिश्व शर्माआ फिनजाथाय होदों

बड'लेण्ड मुलुगसोलोसालियाव नाकनि हान्जाया नायबिजिरफैगोननि थाखाय सोमावसारनायखौ 18 अक्टबरसिम दोनथ'बाय : एबसु



स्टाफ रिपटर्, कक्राझार 11 अक्टबरः बड'लेण्ड मुलुगसोलोसालिनि भाइस चेसेलर (भि.सि.) लाइखाम लाइसिनि आयदाखौ लानाने फिनजाथाय फोसायदों आसामनि गिबि मन्थि उ हिमन्त बिश्व शर्माआ। बुधवारखालि कक्राझाराव

खौरांगिरिफोरनि मोनसे सौनायनि फिननायाव फोरमायनाने उ हिमन्त बिश्व शर्माआ बुदोदि, बड'लेण्ड मुलुगसोलोसालिनि आधिखालनि भि.सि. नि आखाइयाव मुलुगसोलोसालिनि थासायिवाव जोबोद गाजि जाबाय। भि.सि.नि खामानि-दामानिखौ आंबो

गोजोनाखे, बिथानो आं बोसोन होदों मासि एंगरानाने थादों। सोलौथाय मन्थिआ बिथांखौ मासि एंगरानो होनांगो होना बुदों। नाथाय भि.सि.आ मानिनाने लायाखै। मान गोनं सुबुं मोनब्ला भि.सि.आ मासि एंगरानाने थासिगोमोन होना गिबि मन्थि उ शर्माआ मख'नाने भि.सि.खौ फरायसाफोरा मोजा मोना होना बुडो। फारसेथिं



बासुगाव, 11 अक्टबरः आसामनि गिबि मन्थि उ हिमन्त बिश्व शर्माआ चिरां जिल्लायाव दावबायनाय समाव बिटिआर ओन्सोलनि हा-हुनि मोन्थायखौ लानाने चिरांनि बासुगावयाव दुलाराय आसाम ट्राइबेल संघनि बिटिसि क-अर्डिनेसन

(गोरोबथि) रैखाथि आफादआ बासुगाव प्रेस कलावयाव खौरांगिरि मेल खुदों। 1951 माइथायनि भयर फारिलाइयाव मुं गैयै आसामनि गुबै थागिरि नडै, रैखाथि नडै थाखोनि सुबुंफोर आरो थागिबि नडै सुबुंफोरनो हानि मोन्थाय गथायनि दाबि दैखोंदों दुलाराय आसाम

ट्राइबेल संघ, बिटिसि क-अर्डिनेसन आफादआ। दिने खौरांगिरि मेलयाव दुलाराय आसाम ट्राइबेल संघनि बिटिसि क-अर्डिनेसन रैखाथि आफादनि लेंथुमगिरि निरन्जन ब्रह्मआ बुदोदि, आसामनि बर'आरो गुबुन गुबुन जनजातिफोरखौ संबिजिरि रैखाथि होनाने रांखान्थि, सोलौथाय आरो रावआरि जौगाखानायनि सान्नाय-हनायखौ सुफुंनाने हानि मोन्थाइ, समाज हारिमु आरो हारिनि सिनायथिखौ रैखाथि होनायनि थाखाय संबिजिरि 6 थि अनुसुचीनि सिडाव बिटिसि दनाय जादों मोन, नाथाय बिटिसि (□ 5 बिलाइआव)



चापर, 11 अक्टबरः मोनसे गिखंथाव जाब्रबथायनिफ्राय दिने हरखाबे भारतयारि अखां सान्थिनि गंसे हेलिकप्टर रेखा मोनो। धुवुरी जिल्लानि चापर साहा बागाननि गेजेरारि दिने बेलासिनि 2:30 रिगासोयाव इमार्जेन्सि महरै बागानयो गोनां जादों अखां सान्थि हान्जानि हेलिकप्टरआ। बे जाथाया सोमजिनयनि उनावनो ओन्सोल नाडैनो सोमोनांनया सोमजिदों। मिबिथिनो मोन्थाय बायदिथे कारकिरि (□ 5 बिलाइआव)

## एबसु आरो गेलेमु आफादनि बान्जायनायाव 18 थि बड'लेण्ड मुंखं गोसोखां ट्रिफुटबल बादायलायनाय

कलाइगाव, 11 अक्टबरः फैगो 15 अक्टबरनिफ्राय कलाइगाव सिनियर सेकेन्डरि फरायसालिनि गेलेग्रा फोथाराव कलाइगाव दख'रा एबसु आरो गेलेमु आफादनि बान्जायनायाव 18 थि बड'लेण्ड मुंखं गोसोखां ट्रिफुटबल बादायलायनाय खुंनो साखा-फार खालामदों। गासै मोन 8 हान्जाफोर बाहागो लानो गोनां बे बादायलायनायनि बेखेवजेनाय मेचखौ कबिरालि एफ सि आरो मुदेबारि एफसिनि गेरेजाव खुंनया जागोन। बेखेवजेनाय मेचखौ बेखेवनाने होगोन उदालगुरि जिल्ला एबसुनि लेइड आफादगिरि गिबिद बर'आ। मख'नो गोनांदि, 15 अक्टबरनिफ्राय 29 अक्टबरसिम खुंनो गोनां बे फुटबल बादायलायनायाव फुटबल अन्सायगिरि आरो कलाइगाव (□ 5 बिलाइआव)

## चिरां जिल्लानि थाखाय 465 कौटि रानि गुबुन गुबुन जौगालु बिथांखिनि अन्थाइ खाम्फा गायसन्दों गिबि मन्थि उ हिमन्त बिश्व शर्माया चिरां जिल्लानि जौगाखानायनि थाखाय राइज्यो सरकारआ बिबान दडः गिबि मन्थि

दिसपुर, 11 अक्टबरः गुदि-बिथा जौगाखानायनाय गोदान फोनांजावबो आसामनि गिबि मन्थि उ हिमन्त बिश्व शर्माआ दिने चिरां जिल्लानि थाखाय गासै 465 कौटि रां बाहायनाने माखासे बिथांखिफोर लुफुंनयनि अन्थाइ खाम्फा गायसन्दों आरो गोथारे बेखेवना होदों। गिबि मन्थिआ चिरां जिल्लानि सिडाव थायाय बासुगावयाव 63 कौटि रां बाहायनाने 419.05 मिटर गोलावथिनि काशिकत्रा-बासुगाव-तालगुरि लामा आरो सा-सान्जा रेलवे लाइननि साजों लुनाय रेलवे अभाबिडज, बिजनी-कुक्लु लामा जानाने कुमारसालि एम एस बि लांगोनासिम थानाय लामानि कुक्लु दैसानि साजों 11



कौटि रां बाहायनाने 152 मिटर गोलावथिनि दालांखौ गोथारे बेखेवना होयो। गिबि मन्थिआ 37 बिथा हाखौ लाफानाने 39 कौटि रां बाहायनाने काजलगवयाव गोदान मुगानि जिल्ला गेलेमु स्टेडियम क मप्ले कसखौ लुफुंनयनि थाखाय अन्थाइ खाम्फा गायसन्। बेनि अनगायैबो आसाम माला बिथांखिनि सिडाव गिबि मन्थिआ 204 कौटि रां बाहायनाने 40.77 कि:मि: गोलाव जान्थायनि सापागुरि-आमेटका-भुटान सिमना ओन्सोल लामानि

जौगाखानाय आरो फोजोखानायनि थाखाय अन्थाइ खाम्फा गायसन्। गिबि मन्थिआ 10.75 कौटि रां बाहायनाने एमएफिडि-जि 2022-23 नि सिडाव गेरुखाबारि जानाने पानवारि-बिजनी लामानि जौगाखानाय आरो 4 कौटि रां बाहायनाने एमएफिडि गामियारिनि सिडाव महाबीर लाचित-शिलाराय दालां लुनाय हाबाफारिनि सिडाव बिसपानि बिष्णुपुर हाथाय-सिकाझार लामायाव सिका दैसानि सायाव लुनाय पाक्कानि दालांखौबो गोथारे बेखेवना होयो। बेजों लोगोसे गिबि मन्थिआ जल जीवन मिस्तरनि सिडाव 132 कौटि रां बाहायनाने चाम्पावती गोबां गामियारि पाइपजों दे जगायथाय (□ 5 बिलाइआव)

## बि टि सि सरकारा आजावनाय माखासे बिथांखिफोरनि सायाव सावराय मेल खुदों



कक्राझार, 11 अक्टबरः कक्राझार सहरनि खाथियाव थायाय बड'फा हारिमुवारि न'ब्लाडव मैया बिटिसि सरकारा आजावनाय माखासे बिथांखिफोरनि सायाव सावराय मेल खुंनया जायो। बे सावराय मेल बिटिसिनि गहाइ मावफुं सोद्रोमा प्रमद बर'आ बुडोदि, बिटिसिनि बार' गहाइ खुंगिरि हाग्रामा महिलारी दैदेनाय सिगांनि सिस्कारा गालानाय आखालफोरनो बिसेरो फेलें जानायनि गुबै जाहोन। जौ जौनि गोहोनि सायाव सोनाराने जौनि गोजोन, स्मॉट आरो सोमखोर बड'लेण्ड सोरजिनयनि थांखियाव सहैनो थाखाय गोखौ खामानि मावबोदों। बिथाड बे सावराय

मेलाव बाहागो लानाय बयखौबो हादतनि गहाइ मन्थि नरेन्द्र मदिनिफ्राय थुलुगो लानो थाखाय खावलायहरो। मख'नो गोनांदि, प्रमद बर' दैदेनाय इडपिपिल-बिजेपि-जिएसपि जुथाय हान्जानि सरकारा ओन्सोलाव गोजोन, खैसेथि आरो जौगाथयनि थाखाय समाजारि-रांखान्थियारि आरो लुफुंथाय जौगाथयनि थाखाय गोखौ खामानि मावबोदों। बे (□ 5 बिलाइआव)

## बाक्सानि दक्षिणकुसियाव गिबि खेबनि थाखाय सुपार नाइट प्राइज मानि फुटबल टूर्नामेन्ट

मुसलपुर, 11 अक्टबरः बाक्सा जिल्लानि भारत-भुटान सिमना ओन्सोल दक्षिणकुसियाव जाइखलं कलाबनि बान्जायनायाव गिबि खेब सुपार नाइट फुटबल टूर्नामेन्ट खुदों। थानाय 27 सेप्टेम्बरनिफ्राय जागायजेनाय बे बादायलानाया थानाय 5 अक्टबरआव खुंफुंजानो गोनांमोनब्लाबो गाजि बोथोरनि थाखाय खुंनो हायाखेमोन। मैया मोनने सेमि फाइनाल मेचखौ खुंनया जायो। नारा-नाथाद जुजिलायनाय गिबि मेचआव नारायनपुरनि मंगलियान कलाबआ रविमाखा सारअन्थाइ कलाबखौ 3-2 गलनि फारागथियाव फेजेनो हायो आरो नैथि मेचआव बाक्सा भेटरेन कलाबआ मुन्दाबस्ति कलाबखौ 2-0 गलनि फारागथियाव फेजेनाने फाइनालाव सहैनो हायो। बान्जाय आफादया मिथिहोनाय बादिब्ला फाइनाल मेचखौ दिने खुंनया जागोन। बे फुटबल बादायलानायाव न'सुंसे हादत भुटानजों लोगोसे गासै मोन 16 हान्जाफोरा बाहागो लादोंमोन। □

दिसपुर, 11 अक्टबरः रइज्योनि लाइमोन जोलैनि रोंग'थि फोजोखानायनि बिथिडाव गुबुन मोनसे थांखि महरै गिबि मन्थि उ हिमन्त बिश्व शर्माआ दिने कक्राझार जिल्लानि गसाइगावनि बलमगुरियाव थायाय उद्यगआरि फोरोंथाय फसंथाननि लांगोनायाव लारसेन एन्ड टारब' (एल एन्ड टि) कम्पनीनि हेफाजाबाव लुनाय रोंग'थि फोरोंथाय मिरुखौ बेखेवनाने होयो। बेनि उनावनो खौरांगिरिजों मोगा-मोगि लानाय



जौगाखानाय आरो फोजोखानायनि थाखाय अन्थाइ खाम्फा गायसन्। गिबि मन्थिआ 10.75 कौटि रां बाहायनाने एमएफिडि-जि 2022-23 नि सिडाव गेरुखाबारि जानाने पानवारि-बिजनी लामानि जौगाखानाय आरो 4 कौटि रां बाहायनाने एमएफिडि गामियारिनि सिडाव महाबीर लाचित-शिलाराय दालां लुनाय हाबाफारिनि सिडाव बिसपानि बिष्णुपुर हाथाय-सिकाझार लामायाव सिका दैसानि सायाव लुनाय पाक्कानि दालांखौबो गोथारे बेखेवना होयो। बेजों लोगोसे गिबि मन्थिआ जल जीवन मिस्तरनि सिडाव 132 कौटि रां बाहायनाने चाम्पावती गोबां गामियारि पाइपजों दे जगायथाय (□ 5 बिलाइआव)



गिबि मन्थि उ शर्माआ बुडोदि, आसाम सरकारा रइज्योयाव लाइमोन जोलैनि थिसन्थायखौ रोखा खालामनो थाखाय रोंग'थि फोजोखानायनि सायाव गोनांथि होबोदों। बिथाड बुडोदि, सरकारि खोन्दोजों लोगोसे गावयारि खोन्दोनि मदत-हेफाजाव आरो बाहागो लानायाव रइज्योयाव रोंग'थि फोजोखानायनि मोनसे गोदान आबहावा सोरजिनयनि बिथिडाव रइज्यो सरकारा (□ 5 बिलाइआव)

## सुजुगिरिनि खोलोम

### मावनाय-दांनायनि हारिमु

थानानै थानो थाखाय सुबुंनो सोलो-मेलेम बाहायनायजों लोगोसे आर्थि-आखाइ सोमावनानै सोलिनो गानां जायो। आर्थि-आखाइ सोमावनायखौ नागारनो हमनायनि थाखायनो जॉनि गेजेराव मावनाय-दांनायनि हारिमु गोमालांनायखौ नुनो मोन्नाय जायो। हाबा मावनाय-दांनायनि हारिमुखौ लाखिलांनो हाथैनि थाखायनो गोबां समाव सुबुंनो आंखालाव गोमालांनायखौनो नुनो मोन्नाय जायो। नख र खुंनो थाखाय सुबुंनो बायदिसिना रहा-खाबुजों लोगोसे आर्थि-आखाइ सोमावनायनिको गोनांथार जायो। सिगांफोर समाव सुबुंनो खामानि मोन्नो थाडैनि गोजान-गोजाननि राइज्योफोरव खामानि नागरिनानै थानाय नुनो मोनोमोन। दानि बोथोरव सुबुंनो हाबा मावनो समनि आंखाल जानायसो खोनायो आरो नुनो मोन्नाय जायो। फुनिफ्राय जागायनानै हर गेजेरसिम सुबुंनो हाबा मावनायव देहा-मेलेम नांथावनानै थानो गोनां जाबाय आर्थिखालनि सम आरो थासारिया। सिगांफोरनि बादि खामानि मावनानै दसे सम जिरायनानै मँगलनाय देहा-गोसोनो आराम होनायनिबो सम दिहुन्नो हाया जाबाय। बादायलायनायनि बे सम आरो सोलायस्कुं मुलुगजों समानै आगान सुफलांनो सुबुंनो खामानियाव नांथावनो फोरैनायानो खामानि हारिमु फोथानानै लाखिनायनि लामा।

खामानि गैयै जेनायाबो सुबुंनो खामानि हारिमु फासैं एसेयैबलाबो गोहोम गोमलैनाय नुनो मोन्नाय जायो। गासैबो हाबायानो साफ्रोमबो सुबुंनि थाखाय आजवथाव जायाबो जानो हागौ। नाथाय बिब्दि होनानै खामानि थाखो सायख 'लायनाय लायोब्ला खामानि जेनाया जेनायैनो थागोन। सायख 'नाय गैयै लामाजों हान्थियोब्लासो खामानि जेनाया बोसंनाय फेगोन आरो मावनाय-दांनायनि खामानि हारिमुयाबो जॉनि गेजेराव सोलिबाय थानो मोनगोन।

मावनाय-दांनायनि खामानि एबा आर्थि-आखाइ सोमावयैनि थाखायनो सुबुंनो बाइदिसिना देहायारि जेनायाव गोमलैनाय आर्थिखालनि समाव गोबां नुनो मोन्नाय जायो। देहा-बोलो बाहायनानै न'नि बारिफोरव मैगं-थाइगंनि आबाद मावनायखौ नागारनानै गुबुनफ्राय लाबोनाय मैगं-थाइगं, ना-बेदर बाहायनाय आरो गोमलैयै मोन्नो हानायनि थाखायबो खामानि मावनायनि हारिमुया खायसेनि थाखाय गोजान जालांनो हमबाय। सिगां समफोरव सुबुंनो बाइदिसिना थसारिजों गोरोबनानै देहानि थैखौ गोलोमदे गसर होनानै आबाद मावनानै सोलियोमोन। मोसौ-मैसो हालजों हालएवनानै माइसालि, जोसा, माइब्रा माइनि आबाद मावनानै हानायनिफ्राय बावखाजों रोगानाय, मोसौजों मार होनाय, संग्राइ-साइजों बाव सिबनाय खामानि मावनानै देहाखौबो अराय सम गोखों लाखिनायाव मदत मोनोमोन। आर्थिखालाव नाथाय बेनि उल्था जानायखौ नुनो मोन्नाय जायो जाउनाव माखासे मावनाय-दांनायनि हारिमुखौ नुनो मोन्नाय जाबालिया।

थानानै थानायनि हाबा मावनायाव खामानि-दामानिखौ लानानै लाजिनाय, बानाय गोसोआव लायैआनो मोजां। बाइजोनिक्राय फेनाय सुबुंनो फिसा-फिसा मेगनाव गोमलैयै खामानि मावनानै, दखान-गला होनानै नख र सामलायनाय नुनो मोन्नाय जायो। बेफोर खामानिजोंनो थानानै थानायनि लामा लानो हायोब्ला जॉनि सुबुंनो बाइदिसिना हाबा हाथैनि बाथा फेना। नाजायोब्ला सानसे जाफुंसारायखौ मोन्नो हागौ।

## दिनैनि फान्जामुथि

### राशि बाइदियै मुनि गिबि हांखो

**मेघ:** अ ल **बृष:** ऊ ब (उ ए इ) **मिथुन:** क छ (ड घ)  
**कर्कट:** ड ह **सिंह:** म ट **कन्या:** प ठ (ण ष)  
**तुला:** त र **वृश्चिक:** ब न **धनु:** ध भ (ङ फ)  
**मकर:** ख ज **कुम्भ:** ग श (स) **मीन:** द च (ख ज झ)

**मेघ:** मोजां खामानिनि थाखाय आगान सुरजेनो हागोन। दिनैनि दिनआ गोथार सान। जाफुंनो हागोन।

**बृष:** जेखियानो जाया नख र'नि गोथार खामानि मावनानै लानो हागोन। गोजोन्नाय मोनगोन

**मिथुन:** जेखि जाया गोथार खामानि मावनो गोनां दड'बा मावनो हागोन। बे राशिनि थाखाय गाहाम सान।

**कर्कट:** मोजां मोनलायनायाव अनलायनाया बांगोन। गोजोनै सम बारहोनो हागोन।

**सिंह:** सोरजोंबाफोर दावराव-दावसि जाबाय बायनो हागौ। सोमोन्दो थानाया गावसालायनो हागौ।

**कन्या:** बे राशिनि थाखाय गोथार सान। मोजां खामानि मावनो हागोन। सान्नाया जाफुंनो हागौ।

**तुला:** नख र'नि साफ्रोमजोंबो अनलायनाया बांगोन। मोजां मोन्नायजों लोगो हमनो हागोन। मोजां सान।

**वृश्चिक:** मानिबा थाखाय रं खर'सा खालामनानो हागौ। थाखानाय रंआ जोबसंनां हागौ।

**धनु:** नख र'आव जेना-जेसि थानायफोर जोबसंनाय नडा। गोजोन्नाय गैयैजों सम बारहोनगोन।

**मकर:** जेखि जाया बेरामआवनो गोमलैबायनो हागौ। देहाखौ सांग्राइ लाखिनांगोन।

**कुम्भ:** बायदिसिना नांगौनि थाखाय रं खर'सा खालामनानो हागौ। गोसो हमथानानै सोलिनगोन।

**मीन:** जेथिबो रंजा-बाजा खालामनानै थानो हागोन। फारफ्रोमथिबो गोजोन्नायखौ मोन्नो हागोन।

## असदुद्दिन अवैशीआ फिलिस्टाइन जिन्दाबाद स्लगान होदों



**गोदान दिल्ली, 11 अक्टूबर:** फिलिस्टाइन उतरखारि हान्जा हमास आरो इजराइलनि गेजेराव सोलिनाय दावहानि गेजेराव एआइएमआइएमनि असदुद्दिन अवैशीआ फिलिस्टाइननि हेफाजाबआव एक्सआव मोनसे पस्ट खालामदों। बियो लिरदों, पिलिस्टाइन जिन्दाबाद, हिंसा मुदाबाद। बेजों लोगोसेनो बियो लिरदों, मसजिदआ अल अक्साआ अरायसम थानानै थाथों। मख 'नो गोनांदि, यरुशालेमआव थानाय बे मसजिदखौ इस्लाम धोरामाव मक्का आरो मदिनानि उनाव 3 थि गोनांथार जायगा मानिनाय जायो। बेनि सिगांबो अवैशीआ फिलिस्टाइनखौ उदाइ हेफाजाब होखांबाय। बेनि सिगां समबारखालि बियो बुंदोंदि, भारतआ जारिमिनारि महरै फिलिस्टाइनजों गसंफादोंमोन। बियो दाबि दैखंदोंदि, भारतनि नेमखान्थियाव सोलायनाया बै समाव फेदों, जेब्ला कंग्रेस खुंथाया फेदों। एएनआइनि बादिब्ला, अवैशीआ बुंदों, बिजेपिनि सासे रंसारि जानाय दैदेनगिरि, जाय हादरनि गाहाइ मन्थिबो जादोंमोन, बिथाड सानसेखालि फिलिस्टाइननि सोमोन्दे आरख हासा बाहागोखौ दखल खालामदों होनानै बुंदोंमोन। गावसोर फिलिस्टाइनजों लोगोसे खौसेथिनि थाखाय मोनसे पस्ट स्टाम्पखौ फोसावदोंमोन। गावसोरनि नेमखान्थिया जागायजेन्नायनिफ्रायनो फिलिस्टाइनजों दंफायो। जेब्ला कंग्रेसआ खुंथायाव फेयो अब्ला बेवहाय सोलायनाय फेयो। अवैशीआ बेवहाय मुं लायाजासे बारग 'गाहाइ मन्थि आरो बिजेपिनि रंसारि जानाय मुंदांखा दैदेनगिरि अटल बिहारी बाजपेयीनि मोनसे भाइरेल भिडिअखौ मख 'दोंमोन। जेराव बियो फिलिस्टाइननि हेफाजाबआव बाथा बुंदों। एआइएमआइएमनि गाहाइ इजराइल आरो फिलिस्टाइननि गेजेराव 1993 आरो 1995 नि अस्ल 'रादायखौबो मख 'दोंमोन।

## इज्राइल दावहानि अनिफ्राय कूड अयलनि बेसेना लान्थियै बांगासिनो दड'



**गोदान दिल्ली, 11 अक्टूबर:** इज्राइल दावहानि अनिफ्राय गोथां थावनि बेसेनाव लान्थियै बांनायखौ नुनो मोनगासिनो दड'। दिनैबो गोथां थावनि बेसेना मोनफ्रोम बेरलयाव 86 डलार बारदों। बेराफारसे, नख र'नि बाजाराव पेट्रल-डिजेलनि बेसेनआ रोखोमसेयैनो थादों। थानाय 18 दाननि गेजेराव पेट्रल-डिजेलनि बेसेनाव जेबो रोखोमनि सोलायनायखौ नुनो मोन्नाय जायाखै। गोथां थावनि बेसेना 0.09 जौखोन्दो बांनायजों लोगोसे मोनफ्रोम बेरलआव 86.05 डलार जादों बिन

अनगायै ब्रेन्ट कूडनि बेसेना 0.16 जौखोन्दो बांनायजों लोगोसे मोनफ्रोम बेरलआव 87.79 डलार जादों। आर्थिखालाव पेट्रल-डिजेलनि बेसेना दिल्लीयाव लिटरसेयाव 96.72 आरो 89.62, मुम्बाइयाव पेट्रल 106.31 रं आरो डिजेल 94.27 रं, कलकातायाव पेट्रल 106.03 रं आरो डिजेल 92.76 रं, चेन्नाइयाव पेट्रल 102.74 आरो डिजेल 94.34 रं। सुलुनि बायदिव्ला बे समाव भारतयाव दर 5 राइज्योफोरव जानो गोनां विसायख 'थि आरो लकसभा

## कर्नाटकनि कन्नड़ जिल्लानि सा 5 रोजा सुबुंनो इज्राइलआव राहा गोथेनादों



**कन्नड़, 11 अक्टूबर:** हमाज आरो इज्राइलनि गेजेराव दावहा सोलिनायाव गोबां भारतयारिफोर राहा गोथेनानै थानादों। बे दावहायाव फारनैथिनिबो गोबां सुबुंनो जिउ गोमाबाय। आर्थिखालाव हमास आरो इज्राइलनि आखुखौ नोजोर होयोब्ला दावहाया थाब जोबनानै

थानोनि जेबो आसा गैया। बेनि गेजेरावनो कर्नाटक बिजेपिनि आफदगिरि आरो एमपि नालि कुमार कतीलआ फोरमायदोंदि, खोला कन्नड़ जिल्लानिनो 5 रोजा सुबुंनो इज्राइलआव राहा गोथेनानै दड'। बिथाडा विसोरखौ रेखाथियै भारतआव लाबोगोन होना खोथा होयो। एमपि कु मारआ मिबथिहोबावदोंदि, बिथाडा गुबुन हादतयारी मन्थि एस जयशंखरनो बेनि बागै लाइजाम हरनानै मिबथिहोहरदों। मिरुनि गुबुन हादतयारी राइज्यो मन्थि आरो संसदारि हाबाफारि मन्थि भि. मुरलिधरनजोंबो कतिलआ बाथा सावरायदों। बिथाडा खोला कन्नड़नि कमिसनार इन्सार्जनो इज्राइलआव राहा गोथेना थानायफोरनि आबु खौर बुथुमनो बिथोन होयो मख 'जाथावदि, कर्नाटकनि सिद्धरंमैया सरकारा इज्राइलआव मददनि गोनांथि जानाय कर्नाटकनि सुबुंनो थि थाखाय हेल्पलाइन नाम्बार

## बद्रिनाथ धाम आरो केदार धामाव सरासन्त्रा बरफ गोग्लैनायजों बिदुडा दावखलायदों

**गोदान दिल्ली, 11 अक्टूबर:** सा-भारतआव बोथोरआ गुसु जानो हमबाय। उत्तराखण्डआव थानाय मंगलबारखालि गुसु बोथोरनि गिबि बरफ गोग्लैनायखौ दैखानो मोन्नाय जादों। हेमकुन्ड साहिब साहिब आरो बद्रिनाथ धामाव हाजो थिखिनिफोरव मोनाबिलि समाव सरासन्त्रा बरफ गोग्लैयो। बेनि गेजेरजों केदारनाथ धामआव सरासन्त्रा बरफ गोग्लैनायजों बिदुडा दानखलायदों। बेराफारसैं, हिमाचल आरो काश्मीरवबो बरफ गोग्लैदों। बेबादिआव थाबेनो बेनि गोहोमखौ हायेन ओन्सोलफोरव गुसु बांनाय महरै नुनो मोनगोन। उत्तराखण्डआव थानाय मंगलबारखालि फुनिफ्रायनो हाजोयारि ओन्सोलफोरव खावसे जोमै साग्लोबदों। बेराफारसैं हायेनारि जिल्लाफोरव अखाडा सैडै थानायनिफ्राय लानानै सरासन्त्रा जोमै साग्लोबो। सान्जौफुनि समाव हाजोफोरव बोथोरआ सोलायो आरो गोजौ हाजो थिखिनिफोरव सरासन्त्रा बरफ गोग्लैयो। बेजों लोगोसे खाथि-खालानि ओन्सोलफोरव अखाबो



हायो। बेजों हाजोयारि ओन्सोलफोरनि बिदुडाव 1-2 डिग्री सेल्सियससिम दावखलायो आरो हराव गुसु मोनो। हिमाचल प्रदेशआव थानाय समबारखालि हराव बोथोरआ सोलायो आरो बारहुंखाजों लोगोसे माखासे जायगाफोरव अखा हायो। बेनि गेजेरजों रहतां, कुन्जम, बारलाचा आरो शिकुला देआव

1 फुटसिम बरफ जमा जायो। मान्डि जिल्लानि श्री शिकारी देबि जीआव 12 बोसोरनि उनाव नभारत्रिनि सिगां बरफ गोग्लैयो। बेनि अनगायै चाम्बा जिल्लानि पांगी हायेनआव बरफ गोग्लैनायनि जाहोनाव पांगीनि सोमोन्दोआ वाआ जिल्लानि गाहाइ मावख 'चाम्बाजों बायो। सुबुंनो बारलाचा आरो शिकुला देआव

मंगलबारनिफ्राय साचपासनिफ्राय बरफ बोखारनायनि हाबाखौ जागायो। जम्मू-काश्मीरनि हाजोयारि ओन्सोलफोरवबो गुसु बोथोरआ आगान होफैबाय। थानाय समबारखालि बे राइज्योनि माखासे बाहागोफोरव फुं आरो हरनि समाव जुब-जुब अखा हायो आरो बरफबो गोग्लैयो। मंगलबारखालि फुडावबो बोथोरआ बेबादिनो सोलिदों।

## आर्थिखालाव अखाडवबो भारतीय फिरफिला बिरहोसिगोन



**गोदान दिल्ली, 11 अक्टूबर:** अखांमा बिगियानआव आर्थिखालाव भारतआ रवनिबो उन नॅलिया। आमेरिका, रासिया आरो चीनआ स्पेस साइन्सआव जायगा आवग्रिनो हाबाय जानो हागौ। नाथाय चन्द्रयान-3 मिशननि जाफुंसाराया फोस्मान खालामबायदि, भारतआ खम समनि गेजेरावनो गिदिर थांखिखौ जाफुंसारनो हाबाय। चन्द्रयान-3 मिशननि गासै 12 सान उनाव इसर'आ आदित्य एल-1 मिशन सानखौ नायबिजरनो थाखाय हगार हरदों, जाय मिशनखौ सानखौ नायबिजरनो थाखाय हगारहरदों, जाय जाफुंसारायजों

लोगोसे गावनि लामायाव आवगायगासिनो दड आरो आर्थिखालाव नोजोर गगनयान मिशननि सायाव गोमलैदों। बिगियान आरो टेक्नलजि बिथिनि मन्थि ७ जितेन्द्र सिंहआ बुंदों, गगनयान, मिशननि सिगां टेस्ट फ्लाइटखौ फेगौ 21 अक्टूबरआव आन्जाद नायनाय जागोन। बेनि उनाव थांखिखौ जाफुंसारनो हाबाय। चन्द्रयान-3 मिशननि गासै 12 सान उनाव इसर'आ आदित्य एल-1 मिशन सानखौ नायबिजरनो थाखाय हगार हरदों, जाय मिशनखौ सानखौ नायबिजरनो थाखाय हगारहरदों, जाय जाफुंसारायजों

## आइएमएफआ भारतनि जौगाखानाय रेटनि हमदांथियाव नैथि खेब बांहोदों

**गोदान दिल्ली, 11 अक्टूबर:** भारतनि रंखान्थि बेबस्थायाव इन्टारनेशनल एजेन्सिनि फोथायनाया बांदों। इन्टारनेशनल म'नेटारि फाण्ड (आइएमएफ) आ रंखान्थि बोसोर 2023-



24 नि थाखाय भारतनि जिडिपि ग्रथनि हमदानायखौ बांहोनानै 6.3 जौखोन्दो खालामदों, जाय एप्रिलनि रिपर्टनि उनाव बेनि नैथि सोदांनाय जादों। आइएमएफआ गावनि गोदान मुलुगानां रंखान्थि आउटलुक रिपर्टआव बुंदोंदि बे रंखान्थि बोसोराव जौगाखानाय रेटआ 6.3 जौखोन्दो जानायनि आसा दड। बेयो सिगांनि हमदानायजों 20 बेसिस फइन्टिनि बांसिन जादों। खौरनि बायदिव्ला आइएमएफआ जौगाखानायनि हमदांथियाव बांहोनायनि थाखाय एप्रिल-जुन दाननि समाव आसा खालामनायनिफ्राय बांसिन गोखैथियै खर'सा जानायखौ जाहोन होनना फोरमायदों। बेनि

सिगां ग्रथ जानायनि हमदांथिया एप्रिल दानआव 5.9 जौखोन्दो, जुलाइयाव 6.1 जौखोन्दो जादोंमोन, जायखौ बांहोनानै आर्थिखालाव 6.3 जौखोन्दो खालामनाय जादों। बे हमदांथिया बेखौ भारतीय बिबानगिरिफोरनि गेजेरजों 6.5 जौखोन्दोनि खाथियाव लाडो। रंखान्थि बोसोर 2024-25 नि थाखायबो आइएमएफआ भारतनि जिडिपि ग्रथ जानायनि हमदांथियै 6.3 जौखोन्दो होना फोरमायदों। बेसेन बांनायनि खरसायाव आइएमएफआ भारतिय रिजार्भ बेंकनि 5.9 जौखोन्दो फरखेस्टनि सेलेन्जआव बुंदोंदि बे रंखान्थि बोसोराव भारतनि खुस्त्रा बेसेन बांनाया 5.5 जौखोन्दो जानो हागौ।

# नख 'र मन्थि अमित शाहआ तेलेंगानानि गिबि मन्थि चन्द्रशेखरनि सायाव गाग्लोबना बाथा बुंदों

गोदान दिल्ली, 11 अक्टूबर : मिरुआरि नख 'र मन्थि अमित शाहआ थानाय मंगलबारखालि दाय जाबसिनोदि, तेलेंगानानि गिबि मन्थि के. चन्द्रशेखरहा गावनि फिसाजो के. कभिताखौ जेलआव थानायनिप्रय रेखा खालामनाय आरो फिसाजला के. टि रामा रावखौ राइज्योनि गिबि मन्थि खालामनायनि अनगायै जेबो थांखि गैया। शाहआ बेयाव मोनसे खौरांगिरिफोरनि जथुमायाव रावखौ सेलेन्स होनाई बुडेदि, जुदि गिबि मन्थिनि पार्टि भारत राष्ट्र कमिटी (बिआरएस) हा माबाफोर जिंगा सिनाय दडब्ला बेनि सोमोन्दे फोरमायनो हागोन। बिथाड बुंदों, जेव्हा तेलेंगानाखौ दादोंमोन (2014) आव अब्ला 400 कौटि रॉनि खाजोना दडमोन। नाथाय



आधिखालाव राइज्योनि सायाव 7.5 लाख कौटि रॉनि खरसा दड। बिथाड बिजेपिआ सानै-हयै हाबा मावो होना बुंदों। दिल्ली

आबकारि नेम-खान्थि बिथिडव अट्रिटि बिथोनगिरि मावख 'नि गेजेरजों थिसनया अजद लाइआव के. कभितानि मुंखौ मख 'नाय दड। गाहाइ मन्थि

मदिआ बावैसो समाव तेलेंगानायाव खुनाय मोनसे सुबुं गोमानि समाव दाय जाबसिनोदि, केसिआरआ गावनि फिसाजलाखौ गिबि मन्थि

जानायनि बोर बिदोंमोन। बिथाड चन्द्रशेखर रावनि सायाव तेलेंगानायाव खुथायाव फे नायनि सिगां खोथा होनायफोरखौ आबुं खालामनायाव जाफुंसोरनि दाय जाबसिनानाई केसिआरआ सुबुंफोरनाव भट बिनायनि मोन्थाइ गैया होना बुंदों। मिरुआरि नख 'र मन्थिया बुंवावदों, मदिनि दैदेननायाव भारतआ मोनफ्रोम बिथिडव आवगायनो हादों आरो हादतआ फैगौ 25 बोसोराव गोहो गोर रांखाथि बेबरथानि थाखाय थियारि जादों। बिथाड थानाय मं ग ल ब ा र ख ा ल आदिलाबादआव खुनाय मोनसे सुबुं गौमाखौ सोमोन्दो लाखिनानै दाय जाबसिनोदि, तेलेंगानानि गिबि मन्थिया गावनि 10 बोसोर खुंथाइ खुनाय समाव माब्लाबावो निखावरिफोरनि थाखाय खामानि मावया जासे गावनि फिसाजलाखौ माबोरै गिबि मन्थि खालामनो हागोन बेनि सायावसो नोजोर होदों।

गोदान दिल्ली, 11 अक्टूबर: बोसोरनि जागायनायाव हिन्दनबर्ग रिपट नुजाथिनायनि उनाव गौतम आडानीआ मुलुग नाडै नि अरबपतिफोरनिफ्राय गिदिर सेलेन्स मोनो। हुकन इन्डिया रिच लिस्ट 2023 याव गौतम आडानीआ नैथि थाखोयाव सौहैनानि उनाव आधिखालाव बियो ब्लुमबर्ग बिलेनियार इन्डेक्सआवबो दावखलायो। मुलुगनि आरबपतिफोरनि गेजेराव सोलिबाय थानाय दावखोलाय-दावखलायलायनि गेजेरजों दिवालीनि सिगां आडानी गुपनि चैयारमेन गौतम आडानीआ बाग्दावखानाडो। बिथाड मुलुग नाडै नि अरबपतिफोरनि फारिलायाव टप-20 निफ्राय बाइजो जायो। बे फारिलायाव बिल गेटस खिसककरआ 4थि आरो लेरि एलिसनआ 5थि थाखोआव सौहैयो। ब्लुमबर्ग बिलेनियार इन्डेक्सनि फारसेनिफ्राय फोसावनाय खौरांनि बायदिब्ला, गौतम आडानीयाव 63 आरब डलारनि सम्पति दड' आरो बियो 21 थि थाखोयाव



सौहैयो। बिसोरनि गाहायाव इं शानशानआ 62.8 आरब डलारनि सम्पतिजों लोगोसे 22थि थाखोयाव दड'। एशियानि नैथि बयनिखुइ धोनिसिन सुबुंनि फारिलायाव मुकेश आम्बानीनि उनाव आडानीआ नैथि आरो इं शानसानआ थामथि नाम्बाराव दड'। बेबायदिनो एशियानि नैथि आरो थामथि नाम्बारनि सानै आरबपतिआ मुलुगनि धोनिफोरनि फारिलायाव टप-20 निफ्राय जानगाराव थानाडो। मुलुग नाडै नि धोनिफोरनि फारिलायाव 241 बिलियन डलारनि सम्पतिजों लोगोसे एलन मास्कआ गिबि नाम्बाराव दड'। बे बोसोराव बिथाड दासिमाव 104 आरब

डलार खामायबाय आरो गौतम आडानीआ 57.6 आरब डलारनि बयनिखुइ बांसिन सम्पतिखौ खोमानादों। बे रोखोमै बियो सम्पती खोमानानाय आरबपतिफोरनि गेजेराव गिबि थोखोयाव दड'। मार्क जुकारबर्गआ बे बोसोराव नैथि बयनिखुइ बांसिनै 71 आरब डलारनि सम्पति खामायदों। नाथाय बियो मुलुग नाडै नि आ र ब प ति फोरनि फारिलायाव 117 आरब डलारजों लोगोसे 8 थि नाम्बाराव दड। आरबपतिफोरनि फारिलायाव नैथि नाम्बारनि बर्नार्ड अर्नाल्डनियार 169 आरब डलारनि सम्पति दड।

## सिक्कीमआव फैनाय दै बानानि सप्ताहसे उनावबो सा 176 सुबुंफोरा गोमाना दड



गोंटक, 11 अक्टूबर : सिक्कीमआव जोमै गावसानायजों सोमजिखानाय दै बानानि दोहोंजों गोबां सिलिंखार जालानायनि उनाव लासै-लासै थासारिया सरासन्ना जाबोबाय। आधिखालाव बेयाव बायनाय लामाफोरखौ बानायनायनि खामानि सोलिदों। लोगोसे हरखाबे फैनाय दै बानायाव गोखौं गोहोम गोग्लैनाय ओन्सोलफोराव टेम्पररि दालां बानायनाय एबा गुबुन फोनोजाबनि खामानि सोलिगासिनो। फारसेथिं गुबुन-गुबुन ओन्सोलाव राहा गोथेनानै थानानाय टुरिस्टफोरखौ दिहुन्नायनि अभियानआबो सोलिगासिनो। बिबानगिरिफोरा

फोरमायदोंदि, सान्थि आरो गुबुन सरकारि एजेन्सिफोरनि मावफारियाफोरा जेनायाव गोग्लैना थानाय सुबुंफोरनिसिम गोनांथारमुवा दैथाइहरनायनि हाबाफारि मावगासिनो। भारतीय अखांमा सान्थिया समबारसिमाव सा सिक्कीमनि गुबुन गुबुन जायगायाव राहा गोथेना थानाय सा 1700 टुरिस्टफोरनि सा 26 गुबुन हादतयारिफोरजों लोगोसे सा 690 टुरिस्टफोरखौ लाचेन आरो लाचुंग सहरफोरनिफ्राय

उरां जाहाजजों सुबुंफोरखौ लाबोनाय जायो। फारसेथिं बोथोर बिफानआ बोथोरा गाहामैनो थागोन होन्ना हमादों। हरखाबे फैनाय दै बानायाव बांसिन गोहोम गोग्लैनाय चुंथां ओन्सोलआव सान्थि आरो सिमा लामा आफादनि मावफारियाफोरा गासै सहराव लामाफोरनि दाखोर-दालाफोरखौ बोखानों। भारत-तिब्बत सिमा पुलिस (आइटीबिटि) आरो जायगानि सुबुंफोरा दफानि दोंसे दालां बानायनाय जादों। बिबानगिरिफोरा फोरमायदोंदि,

मंगलबाराव टुरिस्टफोरजों लोगोसे सा 500 नि बांसिन सुबुंफोरा बे दालांजोंनो हाथिदों। सान्थिनि इन्जिनियारआ बे दालांखौ गोखौंसिन बानायनायनि खामानि मावगासिनो। बिबानगिरिफोरा फोरमायदों गोथौ ओन्सोलाव गात्रि बोथोरजों जुजिनानै सान्थिनि मोनसे हान्जाया चातेन ओन्सोलाव राहा गोथेना थानाय सा 11 नोगोरारिफोरनो इमार्जेन्सि जाग्रा आदार आरो फाहामथाइनि मदत जगायना होयो। थानाय 4 अक्टूबरवाव फैनाय गिखंथाव दै बानानि उनाव सा 76 सुबुंफोरखौ 1 सप्ताहनि उनावबो संदाना मोनाखै। सिक्कीम आरो सोनाब बंगनि बिबानगिरिफोरनि बायदिब्ला, सिक्कीमाव सा 36 गोथै सह'फोरखौल' बोखानो मोन्दों आरो सोनाब बंगनि दैमा सेराव थानाय गोबां जायगाफोरा सा 41 गोथै सह' बोखानो मोन्दों। ल्हाक हिमनद बिलोआव जोमै गावनानै गोबां दै गोग्लैनायाव तीसस्ता दैमायाव हरखाब दै बाना सोमजिदोंमोन। बेजों गोबां सहर आरो गामिफोराव लोमसावदों आरो 87,300 सुबुंफोरनाव गोहोम गोग्लैदों।

## पान्जाबनि पठानकट गाग्लोबनायनि मास्टर माइन्ड उतरखारि राशित लतिफआ गुलि गावजाना जिउ गोमाबाय

गोदान दिल्ली, 11 अक्टूबर : पाकिस्तानआव भारतनि मस्ट वान्टेड उतरखारि राशित लतिफखौ गुलि गावना जिउ फोजोबबाय होन्नाय खौरां मोनाय जादों। मिडिया रिपटनि बायदिब्ला सिनाय मोनै हाथियार लानाय सुबुंफोरनि गुलियाव उतरखारि राशितआ सियालकटआव जिउ गोमादों। अदेबानि बे खौरांखौ मावख 'यारि महरै रोखा खालामनाय जायखै, नाथाय बेयो नंखाय होनाबो रावबो बुडखै। मस्ट वान्टेड राशित लतिफआ पठानकटआव ग ा र लो ब न ा य नि मास्टरमाइन्डमोन। एनआइएया इउएपिएनि गेजेरजों राशितनि हँथायै केस थिसन्दोंमोन। बियो भारत सरकारनि फारिलाइयाव थाफानाय सासे उतरखारिमोन। बुंनाय जायोदि, बिखौ नार्कटिक्स केसआव पुलिसआ



जम्मु-काश्मीराव हमदोंमोन। उनाव 2010 आव गुबुन सा 20 पाकिस्तानीफोरजों बिखौबो हगारदोंमोन। राशितआ जैश उतरखारि आफादनि आरो पठानकटआव गाग्लोबनायनि बिनो मास्टर माइन्ड। बिखौ मौलाना मसुद आजहरजों खाथि सोमोन्दो गोनां होनायबो जायो। पान्जाबनि पठानकटआव थानाय एयारबेसआव 2016 माइथायाव उतरखारि गाग्लोबदोंमोन। बेखौ उतरखारि आफाद जैस-ए-महम्मदआनो गाग्लोबदोंमोन। जेराव सा 7 भारतयारि सान्थिफोरा मुख्लं जादोंमोन। मख'जाथावदि,

पठानकट एयारबेस स्टेशनआ पाकिस्तान सिमनानि साखाथियावबो दड। बेयाव जॉनि हादतनि गिदिर-गिदिर हाथियारफोरखौ दोन्नाय जायो। भारतआ दावहा जायोब्ला बेयावनिफ्रायनो आबुं सोलोखान्थिखौ मोगथां महर होयो। राशित लतिफनि सिगांबो पाकिस्तानआव माखासे उतरखारिफोरखौ गुलि गावना जिउ फोजोबदों। थानाय 20 फेब्रुवारीयाव बशिर आहमेद थामहिनबा इन्तियाज आलमखौ पाकिस्तानाव सिनाय मोनै हाथियारजों

जिउ फोजोबदोंमोन। इन्तियाजआ जम्मु-काश्मीरनि कुपवाड़ा जिल्लानि थागिबिमोन। बिनि अनगायै रिजबुल मुजाहिदिनि आगुनि लन्चिं कामान्डार बशिर आहमेद एबा इन्तियाजखौ रावलपिन्डीआव गुलि गावना जोखोम खालामदोंमोन। भारतआ बिखौ थानाय बोसोरव उतरखारि होन्ना फोसावदोंमोन। बियो रावलपिन्डीयाव थानानै जम्मु-काश्मीराव हाबफैरुमाग्रा उतरखारिफोरनि थाखाय धोन आरो गुबुन मुवा-बेसाद जगायना होनाय खामानि मावोमोन।

## उखैहाबनायनि जेनाफोरजों भुगिनांनय उन्दैफोरखौ सिनायथिनो आसा मावफारियाफोरनो बिथोन होदों



गोदान दिल्ली, 11 अक्टूबर: अंगनवाडी थाखोआव उखैहाबनांनय एबा थोजासे आदार मोनजायै उन्दैफोरखौ सिनायथिनाय, सायख 'नायनि थाखाय मिरुनि आइजो आरो गथ'सा जौगाखां मन्थि स्मृति इरानीआ मंगलबारखालि प्रटकलखौ जागायनानै होयो। प्रटकल बादिदै फाहामथाय मोनो हायै गोब्राव एबा गोबां समावनो थोजासे आदार मोनजायै उन्दैफोरखौ

एनआरसिनि बदलै अंगनवाडी मिरुफोराव सरजाबफानाय जागोन। फाहामथायनि गोनांथि जानाय एबा मेडिके ल क मप्लिके सन गोनां बाइलेटरेल पिटि एडिमाजों भुगिनांनय एसएएम उन्दैफोरखौ एनआरसिआव मेनेज खालामनाय जागोन। बेबादि उखैहाबनांनय एबा बेनि जेनाफोरजों भुगिनांनय उन्दैफोरखौ सिनायथिनाय आरो सामलायनायनि थाखाय रांखाथियारि अन्पुंथायनि थांखि लानो थाखाय मिरुआ स्टेन्डाडार्डिज्ड नेसनेल प्रटकलनि बिथांखि थियारि खालामदों। बे खाबुआव स्मृति इरानीआ बुंदोंदि,

42,000 मिनी अंगनवाडी मिरुफोरखौ अंगनवाडी मिरुआव सोलायनाय जाबाय आरो बे मिरुफोरनि गासैबो जोन्थोरफोरखौ मोनफ्रोम 4 बोसोराव मडानार्इजेसन खालामनाय जागोन। आधिखालाव एनआरसिआ 6 निफ्राय 59 दाननि एसएएम उन्दैफोरखौ मेनेजिं खालामगासिनो दडमोन, नाथाय आधिखालाव बेफोर मिरुआ गोब्राव उखैहाबनायजों भुगिनांनय एबा गोब्राव पषणजों लोब्बा गोनां जेनाजों भुगिनांनय 1-6 दाननि उन्दैफोरनोबो सिबिथाय होनाय जागोन।



गोदान दिल्ली, 11 अक्टूबर: नोंथाड बे खेबाव दिवाली आरो धनतेरासयाव कम बेसेनाव सना बायनो हागौ सान्दों जानांगौ। नाथाय बे खेबाव सनानि रेटआ दावखलायनायनि सन्देहखौ खमे नुहरदों। मिडिल इस्टयाव जेना बानायनि जाहोनाव नख 'रारि आरो ग्लबेल मोननैबो मार्केटयाव सनानि बेसेनाव बांनयखौ नुनो मोनगासिनो दड'। थानाय साननैनि गेजेरावनो सनानि बेसेना 1000 रॉसिम बांदों। दिनें माल्टी कमडिटि एक्सचेन्जयाव सनानि बेसेना 0.07 जौखोन्दो बांनयजों लोगोसे 10 ग्रामाव 57,670 रॉनि लेभेलाव दड'। एक्सपार्टनि बायदिब्ला, सनानि बेसेनफोराव बांनयनायखौ नुनो मोनगासिनो दड'। फैगौ सानफोराव सनानि बेसेनाव 2500 निफ्राय 3000 सिम बांनयनो हागौ। माल्टी कमडिटि एक्सचेन्जयाव दिनें रुपानि बेसेना 0.19 जौखोन्दो बांनयजों लोगोसे मोनफ्रोम किल 'याव 69046 रॉनि लेभेलाव दड'। ग्लबेल मार्केटयावबो सनानि बेसेनफोराव बांदों। आइबिजेएनि नेशनेल सेक्रेटारि सुरेन्द्र मेहतानि बाइदिब्ला, इज्राइल आरो हमास दावहानि जाहोनाव गासै सुबुंफोरा बे समाव रैखाथि इन्धेस्मेन्टनि अप्सनखौ नागिरगासिनो दड', जायनि दजाहोनाव सनानि डिमान्डआ गोबां बांदों।

## सुकन्या समृद्धि यजनाआ मोजां खाबु लानानै फैदों

गोदान दिल्ली, 11 अक्टूबर: साफ्रोमबो बिफाया गावनि फिसाजोनि फ्रायनाय आरो जुलि होनो गोनां खरसाखौ लानानै जिंगायाव गोग्लैयो। बेनि थाखाय बिसोरो गाव गावनि रांखौ आलादा-आलादा इन्धेस्टमेन्ट खालामग्रा यजनायाव इन्धेस्टमेन्ट खालामो। जुदि नोंथाडबो सासे फिसाजोनि बिफाब्ला बे जिंगाया नोंथानियावबो दड जानांगौ। आधिखालाव नोंथाड समजों लोगोसे प्लेनिं खालामनानै गोल्लैयैनो गावनि फिसाजोनि जुलि आरो सोल्लोथाय लानायनि खरसानि थाखाय रां जमा खालामनो हायो। बेबादिआव इन्धेस्ट खालामनानै गोल्लैयैनो बे जिंगाखौ सुखानो हासिगोन। सुकन्या समृद्धि यजना (एसएसवाई) नि बादिब्ला, जुदि



नोंथाडा बोसोरफ्रोमबो 1,11,400 रांखौ 15 बोसोरसिम जमा खालामोब्ला मेन्चुरिटिआव नोंथानिया 50 लाख रॉनि बांसिन जमा जाहैगोन। बेनि थाखाय नोंथाड एसएसवाईआव बोसोरफ्रोमबो 8 जौखोन्दो सुत मोनाया गोनांथार जायो। मख 'नो गोनांदि, 50 लाख रांखौ मोनो थाखाय दानफ्रोमबो 9,283 रां आरो सानफ्रोमबो 305 रां जमा खालामनागोन। बेबादिआव जुदि नोंथानि फिसाजोनि

बैसोआ बे समाव 5 बोसोरब्ला बियो 21 बोसोर जाहैनाय समाव नोंथाड 50 लाखनिबो बांसिन रां मोनहैगोन। नोंथाड मिनिमाम250 रां जमा खालामनायजों लोगोसे एसएसवाई जमा रांखाथिखौ खुलिनो हायो। मेक्सिमम जमा रांखाथिथा 1.5 लाख रां। बेराफासै एकाउन्ट खुलिनानि अक्टजों 15 बोसोरसिम जमा खालामनाया गोनांथार एबा एकाउन्टआव डिफल्टनि बेंखथायाव थांगोन।

**खामानि सामब्लायाय**  
गाहायव होनाय खामानि थाखाय इ-डेव्हाइस होनायदो। इ-डेव्हाइस नं. एपिबि 235729 ए, अक्ट: 05-10-2023। फिल नं. (आइएच कड): 33579880, खामानि फोरमायथि: एनएसआर-बि (फिक्ट-2) आव होनाय वायदिदै एलखुसि फार कर कचसेरनि नसेक एवाकेक सिस्टेम्स 3 बोसोर समनि थाखाय सामब्लायाय। बिबो: 15 सेट, डिखानाय केसिन: 38,56,830 रं। अडिमि नं: 77,140 रं। नोजीआव होनाय डेव्हाइस जोनानयनि सस आरो अक्ट: 06-11-2023 नि 14:30 नि। सेव्हाइ निमार्चिनी थाखाय http://www.ireps.gov.in वेबसाइटआव सनानै हागोन।  
डिप्टि सिए/डि, निउ बडइगवाव सा-सान्जा सिमनार रेलवे मिनिस्टरनयजों प्राक्करोनि सिंघाव

# सासे सिख्लानि बैसोआ 25 बोसोर, नाथाय बिमानि बैसोआ 20 बोसोर, माबोरै जाखो मिबथिगौना ?

जों बयबो मिबथिगौदि, आथिखालाव जायखि जाया आन्जादखौ पास खालामनो थाखाय जेनेरेल न'लेज आरो कारेन्ट एफियार्सनि जोबोर गोनांथार जायो। बेजों लोब्बा गोनां सोंथिखौ एमएसि, बेकिं, रेलवे आरो गुबुन कम्पिटेटिभ इक्जामनि आन्जादफोराव सोंनाय जायो। दिने नोंथांमोननि थाखाय बिबदिनो माखासे सोंथि लानाने फैदों, जायखौ सोरबाया खोनाफेराखौबो जानो हागौ। नाथाय जिंगा सिनांगौनि गोनांथि गैया, मानोना सोंथिजों लोगोसे फिन्नायबो लानाने फैदों।

(1) सोंनाय:- बबे फिथाइखौ जायोब्ला मेगननि सोरां एबा नुनो हानाय गोहोआ गोखोंसिन जायो ?

फिन्नाय:- क्वि फिथाइखौ जायोब्ला मेगननि नुनो हानाय गोहोआ गोखों जायो।

(2) सोंनाय:- भारतनि बबे राइज्योआव बयनिखुइबो बांसिन रुपा मोन्नाय जायो ?

फिन्नाय:- भारतनि राजस्थान राइज्योआव बयनिखुइबो बांसिन रुपा मोन्नाय जायो।

(3) सोंनाय:- बैयो मा मुवा, जाय दै लोडेब्लानो थैयो ?

फिन्नाय:- बेनि फिन्नाया जादों जॉनि दै गांनाय। दै गांनायाव जों दै लोडेब्लानो बेयो गोमायो एबा थैलाडे।

(4) सोंनाय:- हिन्जावसाया बुंदों, बिफानि सिगां आरो बिमानि उनाव जाय फैयो बेनो आंनि मुं। हिन्जावसानि मुझ मा ?

फिन्नाय: बिफानि मुंनि सिगां श्री आरो बिमानि मुंनि उनाव देबी लिफानाय जायो। बेनिखायनो हिन्जावसानि मुंआ जादों श्रीदेवी।

(5) सोंनाय:- नोंथाड खिन्थानो हागोन नामादि प्लास्टिक बेन खालामग्रा भारतनि गिबिसिन राइज्योआ बबे ?

फिन्नाय:- प्लास्टिक बेन खालामग्रा भारतनि गिबिसिन राइज्योआ जादों हिमाचल प्रदेश।

(6) सोंनाय:- मुलुगनि बयनिखुइबो रंजा-गोजोनसिन हादतआ बबे ?

फिन्नाय:- मुलुगनि बयनिखुइबो रंजा-गोजोनसिन हादतआ जाबाय फिनलेन्ड।

(7) सोंनाय:- सासे सिख्लानि बैसोआ 25 बोसोर, नाथाय बिनि बिमानि बैसोआ 20 बोसोर, बेबायदि माबोरै जादों ?

फिन्नाय:- बेबायदि जानायनि जाहोना जादों, सिख्लानि बिमाया गदाय एबा नैथि बिमा। □

## आफगानिस्तानाव फिन 6.1 रिक्टरनि बांग्रि मावदों

काबुल, 11 अक्टूबर: जार्मान रिस्सार्च सेन्टर फर जियसाइन्सेज (जिएफजेड) आ आफगानिस्ताननि सा-सोनाब बाहागोआव गोखों बांग्रि मावनायखौ मिबथिहोदों। जीएफजेडनि मिबथिहोनाय बायदिब्ला बांग्रि आ 6.3 रिक्टरनिमोन आरो बेनि मिरुआ 10 कि: मि: हा सिं गौथौआवमोन बावैसो सिगां, थानाय 7 अक्टूबरखालि सोनाब आफगानिस्तानाव 6.1 रिक्टरनि



बांग्रि मावदोंमोन, बेयाव खेबनै बांग्रि मावनायाव गोबां सुबुंफोरनि जिउ गोमादोंमोन। थालिबाननि सासे बुंथिगिरिआ

प्रेसआ तालिबाल मावख'नि गथायनाय खौरां जों फोरमायदोंदि, आफगानिस्ताननि हेरत राइज्योआव फैनाय बांग्रियाव सा 4,000 नि बांसिन सुबुंफोरनि जिउ गोमाबाय आरो रोजा-रोजा सुबुंफोरनि न'-बां सिलिंखार जालांबाय। आफगानिस्ताननि खैफोद सामलायग्रा मावख'आ थानाय शनिबायव हेरतआव दर20 गामिफोरव बांग्रिजों 1,983 न'-बांफोरा ख'हा जानायनि खौरां होदोंमोन। □

## बिबार

## आंनि उन्दै समनि बुब्लि

बिबार-बिबार मानो बारो नों बिबार फैयो नों मानो सानसे सान्ने निल' जिउ लानाने फैलाव मिथिंगा बिखायाव ? दड नामा नोंहा सानसे सान्नेनिल' जिउ नंगौ नों इशोरजों थिनहर जानाय बे फैलाव मिथिंगा बिखायाव ? सम आरो बोथोरजों गोरोबनाने फैयो आरो थाडे नों बे फैलाव मिथिंगा बिखानिफ्राय .....।

समायना-रमायना बायदि हायना महरनि बिबार फोरा गेवलां-गेवलां बारदों हायना महरनि नों मोदोमफ्रु बिबार नोंनि हायना महराव बेरे सिखिरिफोरा बिदै सोबनो बिबबाय बिबबाय नायगिर बायो नोंखौ बिबार मानो बारो नों बिबार ? आय' बिबार नों मानो मोजोमसेल' ? नोंनि हायना महरखौ नुफा-माफा बे फैलाव मिथिंगा बिखायाव। साया-माया, नुहां-नुवाहं दै थरथिंसेल'। सम जानाय लोगो लोगो - गोमा लांफिन जोबो मानो नों बिबार ? अ' बिबार नों मा एसे समायना-रमायना। नोंनि महरा सुबुंनि गोसो-गोबों आव गोजोनगलाय होयो। समायना-रमायना बायदि गोमो-गोथां गाब गोनां नोंनि महरा लासेनो गोबायो अनसुलि बुहुम बिखाखौ गावनि बोथोरव गाव..... सम आरो बोथोरजों गोरोबनाने।

आंनि गोबों इंसिनि खथायाव थानाय, खिलि जेन्नाय जौलारि गोजों अलंबार बायदि सोर दानाने होखो। आंनि उन्दै समनि बै बुब्लिखौ गोसोखांब्ला माखासे सानखानाय फैयो। उन्दै समाव आं गेले-गेले थाबोदोंमोन बिमा-बिफाजों। बे दिना जैरे बारलांबाय थायो, बे बायदिनो बैसोआबो लासै-लासै थांबाय थायो। बिमा-बिफानि बोसोन होनायाव फोरोंनायाव। राव राइनो लिरोनो रोंबाय। बिमा-बिफायनो बे समाइना बुहुमखौ नुहोबाय। गोबों फारथामनिफ्राय गोग्लैनाने बिमाखौ गिबि गाबजिग्रीनांगो जादों। बिनि उनावसो बिफा, बिदा खुरमा बाहागि। माब्लाबानो बोथोरजों लोगोसे जोबनाने थाडे आंनि बै उन्दै समा। आं जाबाय दा सासे आजोला जोहोलाव सेंग्रा। देरनायजों लोगोसे आंनि सान्नायाबो उन्दै समनि बायदि थाबाय थालिया।

गोसो गोबों गुसु मेलेमाव। गलाप बिबारनि महर देरफुनाय नों सोदोमफ्रि खावलाया नोंनि जारौ रौ बेनो बोनाने लाडे गोरबोखौ अनजालि गोथार गोसोनि फोथायसुलि। लोगो मोनोब्ला सानो रायदावनो हमथाना थाफिनो गोसोआ गोसोआवनो थाफिनो खुगानि राव। फोजोब होबाय नों नोंनि गोबोंनि गोथौ मिजिंकखौ

**रिनदाव बसुमतारी**  
देबोरगाव एडस, एस कक्राझार  
गामि- आमिनफारा, पाटगाव  
जिला- कक्राझार, बि टि सि, आसाम।

**श्री हंरिब्रायग्रा बरगयारी**  
गामि- खोला मावरियागाव  
ला:सो:- सिम्बरगाव।

**श्री आगष्ट नार्जारी**  
गामि- थाकथारा, ला:सो:-रन्डाइधाम  
जिला- चिरां बि टि सि, आसाम।

# रंजालि गथ'फोरनि सौरा

## लोगोरि आं मोनबाय

## नोंनि मुं

नायनो मोजां बिखा फादां गुफुर हायलो अन्थाव-बाथाव गोदै गारां मुहनि गोनां मेगन बेसां, खानाय रुम्बां जिउनि लोगोरि आं लोगो मोनबाय। नायबा नायबाय थाथाव... राज्जायबा-राज्जायबाय थाथाव-थाव बबे खनानिफ्राय ऑंखारना रायदाव फैखो आंखौ आय' हाबाब..... !!! दान्थिसे लोगो मोननायावनो आं जावलिया जाथारबाय। दाव खौओ नि गोदै गारांजों रायदाव फैनाय नोंनि बै फंसे रावा सोंग्राव फैदों हालो-दैलो आंनि फारनै खोमायाव.. नोंदि मा मुहनि हरखो आंनि गोबोंआव। खोना फैदों दाबो रोमै-रोमै नोंनि बै अननायनि फंसे राववा खोनाफा-माफा मादि हायना नांखो आं बिनि महराव हामदां हादिया आं गावखौनो बेबा सोर सिखोलामोन ? लोगोरि आं दा लोगो मोनबाय अनगोन आरो मोजां मोनगोन सिमां आरो मोखथांआवबो नाथाय बेसो अनजागोना अनजाय बेनि गोसोवाबा सोरनिबा गोबोंआवसो सिथाबफलेना दंखायो नामा ? गुमुरानो गैया आंहा। माखौबा सानना सम-सम खायसिब मोनो बिखाखौ अननायनि थं गैयै माखासे सोदोबफोरा आंखौ बुरखायफेयो जावले-जावले नोंनि जिउ लोगोरिया नोंनिखा।

ददरे सैनाय सना गोसोआ आंनि दुफांआव गोजावदों नोंनि आखाय हमनानै आगान बेरायनो गोसो जादों संगालि मेगनगोसा थिलियाव नाथाय खाबु गैया आं साननायबायदि।

नोंखौ गावनि असेबायदि अत्रायनि मुंजों गाबजिगौ सान्दों नोंनि मुडैगोदै मेथाइ रोजाबनो हास्थायदों नाथाय नों आंखौ बोराबगोन - सिखिरि मानसिखौ सान्नायै।

नोंखौ बजबनो हास्थायदों समायना सिमां सानैजों रनसायगौ नोंनि मुंखौ माबोरै लाबावगोन ददरे सिखिरि मानसिनि संगालि नोजोराव।

नोंखौ मोजां मोननाया बारानिफ्राय बारसिन जादों बोरोदोर गोसोखौ आंनि हमथानो हाया-हाया मोनबायदों गावदां खाफालाव गोजा सिन्दुरनि गाब गाहोनो हास्थायदों नोंनि मुंखौ फुं बेलासि गाबजिबाय थगौ सान्दों - आंनि सिथलायाव।

-गलाप खुंगुर बसुमतारी  
कक्राझार

## गोरोबनै खन्थाइ

जिउ गोरबो बिखानि आसा जानांबाय माथो हाथासा

नोंनि होनाय आसाफारि नड माथो मोगथांआरि

दिखारै मावसोम होगारबाय थोद साला मा बादि नोंलाय

-बेलारोम बसुमतारी  
फरखालागि, कक्राझार

-रैदोम बर', वाक्सा

## फिथाइ

देरसिन नंआ हारिखौ सिबिनायाव गावनि असे सानथौवा

असे गोसो आरो नोजोर दं गावबा गाव साफोमहाबो

मावग्राया जाय समाजनि थाखाय जाय हारिनि थाखाय मावो

बेखौ समाज एबा हारिया गनायोब्लासो

आरो हेफाजाब होब्लासो गहाम फिथाइ।

-सबिराम बर'  
राबां, बागसा

## मोदैनि बाना

दुखु दाहायासो साग्लोबजोबदों सुबुंनि समायना मुलुग संसारखौ, अन्जिमा गैयै थैनि बोहैनाय, नायहर हनै सुबुंनि रैरुव बिखानिफ्राय। बयबो बोजबनाने लादों हेव साननायखौ फोजोबनो सानदों संसारनि गोजोनखौ, अनलायनायबो गैलिया, सानलायनायबो गैलिया गोमा लानो हमबाय गोजोननि बेन्दोंआ। सुखु गोजोन गासैबो, बे संसाराव.... सोलायजोबबाय दुखुनि बेन्दोंयाव, बयनिबो मेगनाव मोदैनि बानायाल' ज्रय-ज्रय बोहैनो लागै बाहा लादों। सुबुंनि जिउनि गोजोननि जुजि लायनायाव, खोमसियासो देरहासाद जानो हादों। गोजौ अखोरानि अखाफोरनि साथिनायखौ, गोसोम जोमैआसो जोख्लोबनाने लानो हादों। बयबो दुखुखौ हमदांनो हायो, नाथाय! गोजोननि बेन्दोंखौ, लाबोनो नाजानायाव दुखुनि मोदैआ, लोगोयाव एसे सिथाबना फैयो।

**मुस्रि फैलाव बसुमतारी**  
फरायसालि- इउ एन एकाडेमि कक्राझार  
गामि- हुलमागाव  
ला:सो:- सट' निलिबारि

## सिमांनि रानि

लोगो मोनजेनदोंमोन आं नोंखौ सोरगोन सिमांफुरि राइजोयाव, मोजां मोन्दोंमोन आं नोंनि सिमांनि रानि महरखौ। नाथाय नों मानो आंजों मोकथांआव नुजाफैया ? नों मानो मोकथांनि रानि जानाने नुजाफैया ? खालि सिमांआवल' सिमांनि रानि महरै नुजाफेयो नों आंनि सिगाडव। लादोंमोन आं नोंखौनो मोकथांआव जिउनि रानि, नाथाय नों आंखौ मानो सिमाडव जावलिया खालामबाय थायो ? आंदि नोंखौनो सिमांनि रानिब्लाबो बै सिमांफुरि राइजोयाव आलो गोजोनै थानो सान्दों।

**श्री जांगिला ब्रह्म**  
गामि- मध्य घसकाता  
ला:सो:- बनरगाव,  
जिला- कक्राझार बि टि सि आसाम

## बैथा गैयै जिउनि दिडा

बे फैलाव बुहुम बिखायाव सोरगिदिं साग्लोबनाने दं, लैथो लैथोमा..... दं आं दैमा सेराव जिरायनाने, गावनि जिउनि गोजोननि, खोथाखौ सानै सानै। नाथाय! सोरगिदिं माथो खोमसिसो ? सोरांखौबो जेरावबो नुनो मोना दुखु दाहा सहायनानेब्लाबो, सोरानि लामाखौ नायगिरबायदों आं। मा एसे गोसोथाव..... सोरजिगिरि नोंनि सोरजिनायलाय, आंखौ मानो नायहरदिया गोजोन गैयै बे जिउआव, बैथा गैयै जिउनि दिडाखौ, जावलांगिसिनो दं आं।

**मुस्रि फैलाव बसुमतारी**  
गामि- हुलमागाव  
ला:सो:- सट' निलिबारि

## सोदोमफ्रि

नोंनो गिबि आंनि मेगननि नोजोराव मुझ नोंनि जैरे सोदोमफ्रि महरा नोंनि नायबाय थाथावथाव बारफुंनाय गलाप बिबार बायदि। लोगो मोनजेननाय समाव खसायधाम महालया फुजायाव गोसो माब्रैबा हरखाब मोजां मोनबाय नोंनि समायना महरखौ नुनाने। बावनो नाजाब्लाबो बावनो हाया नोंनि समायना महरआ बिखाया ख्लाब मोनखाडे नोंखौ गोसो खाना

## राफेल नाडालआ अस्ट्रेलियान अपेनजों गावनि अभियानखौ जागायफिनगोन

माद्रिद, 11 अक्टूबर: स्पेननि मुंद्रांखा टेनिस गेलेगिरि आरो 2022 नि सेम्पियन राफेल नाडालआ फेगौ बोसोराव जानो गोनो अस्ट्रेलियान अपेनआव बाहागो जाफिनो थियारिआव दड। बिथानि अनगायै ओन्सोलारि गेलेगिरि निक किर्गियसजों लोगोसे साथाम बारा। सेम्पियन फारियै नाअमी असाका, केरलिन भन्नीयाकी आरो एन्जेरिक केरबरआबो अस्ट्रेलियान अपेन टेनिस टूर्नामेन्टआव सेलेन्ज लाखिनो थियारिआव दड। अस्ट्रेलियान अपेन टूर्नामेन्टनि डिरेक्टर क्रेग टिल्लीआ नाडालखौ आम्स फेन्दायाव जोखोम मोन्नायनि उनाव आरो किर्गियसनि आथिडाव जोखोम जानायनिफ्राय उदाडाव फेनायनि उनाव 2024 आव जानो गोनो अस्ट्रेलियान अपेनआव बाहागो जाफिनगोननि मिर्जिथि होदो। खेब 10 सेम्पियन जाखानाय नभक जकभिकआबो बे अपेनआव बिमुनि थांखिजों बाहागो जागोन। बिथाड 2022 आव सेम्पियन जानाय राफेल नाडालखौ जोखोमनिफ्राय उदाडाव फेनायनि उनाव गोखों प्रेक्टिस खालामनायखौ फोरमायदो। लोगोसे बिथानि टीमजों गावनि सोमोन्दो लाखिनायखौ फोरमायनानै नाडालनि कटआव ओंखारिफनायखौ फोरमायनानै फेगौ जानुवारि दानआव मेलबर्नआव गेलेनो थाखाय गावनि थियारिथिखौ



मिथिहोदो। असाका, भन्नीयाकी आरो केरबरआबो गोलाव समनि उनाव फेगौ बोसोरनि 14-28 जानुवारिनि गेजेराव जानो गोनो बे अपेननि थाखाय थियारिआव दड। अस्ट्रेलियान अपेनआव गिबि खेब बे टूर्नामेन्टनि मेचआ गिबि खेब रबिबार बारायाव खुंजागोन। बे टूर्नामेन्टआ फ्रेन्स अपेननि उनाव नैथि ग्रेन्डस्लेम टूर्नामेन्ट जागोन। जाय मेचफोराव 15 सानसिम स्टर गेलेगिरिफोरखौ सेलेन्ज लाखिलायनाय नुनो मोनगोन।

## बेल्जियामनि स्टार फुटबलार इडेन हाजार्डआ आजिरा लाबाय

ब्रसेल्स, 11 अक्टूबर: बेल्जियामनि मुंद्रांखा फुटबलार इडेन हाजार्डआ नेसनेल टीमखौ फिफा वर्ल्ड कापआव देहाहोनायनि आद्रा सिमां आरो क्लाब लेभेलआव गोबां जाफुंसारनायजों 16 बोसोर गोलाव सम फुटबलआव सम हगारबोनायनि उनाव आजिरा फोसावबाय। बिथाडा गावनि फेन्सफोरनि सिगाडाव गासैबो इभेन्टफोरनिफ्राय गेलेनायनिफ्राय आजिरा लानायखौ मिथिहोदो। सेल्स आरो एरिल माद्रिदनि बारा। स्टार फुटबलार 32 बोसोरनि हाजार्डआ क्लाब लेभेलआव खेब 700 निखुडबो बांसिन मेच गेलेबाव आरो सेल्सिजों खेबनै प्रिमियर लीग बिमुंको देहाबाय। फिस लेभेलनि मेच



गेलेबोनायनिफ्राय लासैयै आवागायबोनाय हाजार्डआ गावनि गोखों खासाय डिफेन्ड आरो थगायनो हानाय गुनजों टीमफोरखौ गोबां मेचआव देहाहोदो। क्लाब लेभेलआव बिथाडा गोबां जाफुंसारनाय मोन्दोब्लाबो बेल्जियामनि टीमखौ

सेम्पियन जाहोफेरनो हायाखै। काटरआव थांयाव बोसोराव जालानाय वर्ल्ड कापआव बेल्जियामनि टीमआ ग्रुप स्टेजनिफ्रायनो जानाआव थानोदो। बिथाडा थांयाव बोसोरनि जुन दानआव रियेल माद्रिदजों रदायआ जोबनायनि उन्ननिफ्रायनो मोनबो क्लाबजों

( 1 बिलाइनिफ्राय )

## अरुनदयनि गिबि आरो नैथिनि सिडाव 26 लाख मुलाम्फायारिफोरा मुलाम्फा मोनगोन...

बेंक एकाउन्टनि गेजेरजों थोंजोडे मोन्तो हगोन। लोगोसे निखावरिनिफ्राय सोमजिनाय रइजो-रजाफोरनि जेनाफोरखौ सुखानायनि थांखिजों रइज्यो सरकार बे बिथांखिखौ आजावदोमोन। बिथाडा बुंबावोदि, सरकार अरुनदय मुलाम्फायारिफोरा रंखांथियनि अन्जमाखौ बांहोदो जाहाथे मुलाम्फायारिफोरा बिसोरनि गुबुन-गुबुन गोनांथियखौ सुफुंनो हायो। गिबि मन्थिआ बुंबावोदि, अरुनदय बिथांखिनिआव मुलाम्फायारिफोरनि अन्जमाया बांगोन। फेगौ समाव अरुनदयनि फारिलायाव 5 लाखनिबो बांसिन मुलाम्फायारिफोरखौ सोसनाय जागोन होना मख 'नानै बिथाडा बुडोदि, अरुनदय बिथांखिया रइज्योनि देरसिन थोंजों रंखांथि मुलाम्फानि बिथांखि। रइज्यो सरकार सरसनस्था रइजो-रजाफोरनि जौगाथायनि थाखाय लानाय गुबुन गुबुन अन्सायारि बिथांखिनि बाश्नाखौ सावरायनानै बिथाडा बुडोदि, रइज्यो सरकार गासैबो थाखोन रइजो-रजाफोरनि अन्सायनयनि थाखाय माखासे बिथांखिखौबो बेखेवगोन। बिथाडा बुडोदि, डाबुल इन्जिन सरकारनि थाखाय रइज्योयाव अन्सायारि बिथांखिफोरखौ बांहोदो हादो। फेगौ माखासे साननि गेजेराव रइज्यो सरकार फरायसुलीफोरनो साइकेल रानायजों लोगोसे आसाम फिसा रंखांथियारि लन रेहाय बिथांखिनि सिडाव लन रेहाय मोन्तो हानाय आइजोफोरनो फोरमान लाइ गथायनाय जागोन होनानै बिथाडा बुडो। गोजोननि फासैं बिबान थायायखौ दिन्थिफुंनय बिटिआर आरो बेनि रइजो-रजाफोरखौ बाखानायनै गिबि मन्थिआ बुडोदि, ओन्सोलाव गोजोन थासारि फेनायनि थाखाय सरकार बे ओन्सोल आरो रइजो-रजाफोरनि जौगाथायनि थाखाय गोबां बिथांखिफोरखौ आजावनायाव हेफाजाब होदो। दिनेनि बे हाबाफारियाव नख 'र लुनाय आरो नोगोर जौगाखां बायदि बिफाननि मन्थि अशक सिंहाल, सुबुं देहा आरोंदयारि बायदि बिफाननि मन्थि जयन्त मल्ल बरुवा, बिटिसिनि गाहाइ मावफुं सोद्रोमा प्रमद बर', एमएलए जिरम बसुमतरा, बिटिसिनि मावफुं सोद्रोमाफोर फारियै- उइलसन हासदा, रेवेवा नाजिहारी, उकिल मुसाहारी मोनजों लोगोसे माखासे बिबानगिरि-मावफारियाफोरबो बाहागो लायो।

## बासुगावयाव दुलाराय आसाम ट्राइबेल संघ, बिटिसि क-अर्डिनेसन रैखाथि आफादआ ...

ओन्सोलनि हायाव आसामनि गुबै थागिरि नडे, थागिबि नडे आरो रैखाथि नडे सुबुंफोरनो हानि मोन्थाय होनानै जनजातिफोरनि हा-हुनि मोन्थायखौ नेवसिनोसो लानाय जादो होना अजद होयो। सरकारआ बेबायदि खामानिनि गेजेरजों जनजातिफोरनि हानि मोन्थाइ, समाज हारिमु आरो हारि सिनायथिखौ फोजोबखसोनो नागिरदो होना बिटिसि क-अर्डिनेसन रैखाथि आफाद, दुलाराय आसाम ट्राइबेल संघआ खुदिरिखानाय फोरमायदो। दिनेनि अकत्याव बिटिसि ओन्सोलायाव आसामनि गुबै थागिरि नडे फोरखौ, थागिबि आरो आइन बेरेखा सुबुंफोर गोलेसानानै थायाय हायाव थादो होना अजद होदो। आथिखालाव रोजा-रोजा बिधा सरकारि हा आरो हग्राणि हा ओन्सोलफोरखौ आइन बेरेखाय बे थाखोन सुबुंफोर दख 'ल खालामदो। जेब्ला सरकारआ बिसोर सुबुंफोरखौ राजखांथियारि मुलाम्फानि थाखाय हानि मोन्थाय गथायोब्ला जिउ खुंथायनि जेबो ओंथियानो थायाय नड आथिगिफोर सिलिखोर जागोन होना फिनजथाय गोनां बिबुंथि होदो। बिटिसिनि जनजाति आरो थागिबि सुबुंफोर आथिखालाव समखिखानानै दड। मोनसे गोबाव साननि सोमावसारनाय आरो बाउनयनि सोलायै मोन्तो हानाय गावखुंथायनि गुबै थांखिया जाबाय हानि मोन्थाय, सोलौंथाय, रंखांथि-हारिमु जौगाखानाय आरो हारिनि सिनायथिखौ रैखाथि होनाय। बेनि थाखायनो आसामनि गुबै थागिरि नडे सुबुं, थागिबि नडे आरो आइन बेरेखा सुबुंफोरनो हानि मोन्थाय गथायनाय खामानिखौ माब्लाबाबो हेफाजाब होथाव नड। बिटिआर क-अर्डिनेसन रैखाथि आफाद, दुलाराय आसाम ट्राइबेल संघआ बेखौ हेन्हा होलांबाय थागोन आरो सरकारआ बेबायदि थांखिखौ बन्द' खालामै समाव सुबुंखांथिजों सोमावसारलांबाय थागोन होना फोसावना होदो। दिनेनि खौरंगिरि मेलयाव क-अर्डिनेसन आफादआ 10 अक्टूबरव कक्राझार सोहोराव हा-हुनि मोन्थायखौ लानानै सुबुंखांथि महै हेन्हा सोमावसारनाय हाबाफारि खुंनो गनायथि नागिरदोमोन। नाथय कक्राझार जिल्ला खुंथाया बे गनायथिखौ गनार्यथिहोयाजसे आसाम थागिबि सुबुंफोरनि सुबुंखांथियारि मोन्थायखौ नेवसिदो होना कक्राझार जिल्ला खुंथायनि बिफावखौ गोखोडे सोंखारिदो। दिनेनि खौरंगिरि जथुमयाव दुलाराय आसाम ट्राइबेल संघ, बिटिसि क-अर्डिनेसन रैखाथि आफादनि दैदनगिरि अनिल औवारि, तानेश्वर ब्रह्ममोनजों लोगोसे माखासे दैदनगिरिफोर बाहागो लाफेदो।

## गिखंथाव जाब्रबथायनिफ्राय भारतयारि अखां सान्थिनि हेलिकप्टार रैखा मोन्दो

जेनानि थाखाय हेलिकप्टार बेबायदि गोनांथारि बागलायनांदो होना मिबथिनो मोन्नाय जादो। जाथय सोमजिनायनि उनावनो ओन्सोलनि सुबुंफोरा होंगो-दोंगो जानानै नायफेयो। मख 'नो गोनांदि, चापर साहा बागाननि बिरशा मुद्रा स्टेडियमनि साखाथि साहा बागाननि गेजेराव थायाय गंसे फोथायव हेलिकप्टार बागलायफेनायनि दसे उनावनो धुबुरे जिल्लानि बेंगिरि दिबाकर नाथनि बिथोन बायदिथै जाथायसालियाव चापर साकेल बिबानगिरि आरो चापर पुलिसआ नुजाथि फेदो। फारसेथि बे हेलिकप्टारव फाइटरजों लोगोसे सा 8 अखां सान्थिनि सुबुंफोर डडमोन होना मिबथिनो मोन्नाय जादो। नाथय हेलिकप्टारनि कारकिरि गात्रि जानायखौ मोजां खालामफेनायनि उनाव हेलिकप्टार फिन जाथायसालिनिफ्राय दावबायलोफिनो। बे हेलिकप्टार बिहारनि पुर्णियानिफ्राय गुवाहाटीसिम थांयाव थादोमोन होना साकेल बिबानगिरि शशिधुषन राजकवाया फोरमायदो।

## बाक्सा जिल्लायावबो मन्थि उखाव गोरु ब्रह्मआ अरुनदय बिथांखिनि मुलाम्फायारिफोरनो ...

आद्रा थायाय 7 रोजा मुलाम्फायारिफोरा गाबोन मोन्तो हगोन। मख 'नो गोनांदि, दिनेनि बे हाबाफारियाव बिटिसिनि मावफुं सोद्रोमा राकेश ब्रह्म, एमसिएलए मन्तु बर'जों लोगोसे जिल्लानि माखासे बिबानगिरि-मावफारियाफोरबो बाहागो लायो।

## एसियान गेम्सआव मेडेल देरहानाय गेलेगिरिफोरखौ भारतीय रैनियानि सिफआ मानजों बरायदो

गोदान दिल्ली, 11 अक्टूबर: एसियान गेम्स 2023 आव भारतआ जारिमिनारि दिन्थिफुंनयजों गिबि खेब गं 107 मेडेल देरहादो। बे दिन्थिफुंनयानो भारतनि एसियान गेम्सआव साबसिनै दिन्थिफुंनयमोन। 2018 नि एसियान गेम्सआव गं 70 देरहानानै साबसिनै दिन्थिफुंनयनि रेकर्डखौ बे खेबआव भारतआ सुद्रायनो हादो।

सोलिफु बोसोरनि गेम्सआव भारतआ गं 28 सनानि मेडेल देरहानानै गासै 100 नि बांसिन मेडेल देरहानायनि रेकर्ड थिसन्दो। जायनि थाखाय भारतनि गाहाइ मन्थि नरेन्द्र मदिआबो थांनाय मंगलबारखालि भारतीय गेलेगिरिफोरनि हान्जाजों लोगो हम्जलायदोमोन। बे खेबआव भारतीय रैनियानि सिफ जेनेरेल मनज पान्डेआबो गेम्सआव मोजाडे दिन्थिफुंनय गेलेगिरिफोरखौ मान बाउदो। बिथाडा भारतीय रैनियानिफ्राय गेम्सआव हादरनि जानानै बाहागो लाहैनाय गेलेगिरिफोरखौ मानजों



बरायदो। जायनि फारिआव सनानि मेडेल देरहानाय निरज चप्रा आरो अभिनाश साबलेआबो दंफायो। बेनि अनगायै पान्डेआ बे गेम्सआव बाहागो लाहैनाय रैनिया जवानफोरजोंबो बाश्ना सावरायलायदो। गेलेगिरिफोरखौ मान होनायनि हाबाफारिखौ दिल्लीनि मानेकश सेन्टारआव लादो। बे समाव निरज चप्राआ गावनि मोजां

## मेगनास कार्लसननि टीमआ इउरपियान क्लाब चेसनि सेम्पियन जानो हाबाय

तिराना, 11 अक्टूबर: इउरपियान क्लाब चपेस टूर्नामेन्टआव गिबि खेब मेगनास कार्लसनजों दैदनजानाय टीम अफरसपीलआ बिमुं देहादो। कार्लसनआ नर्वेनि जानानै टीमआव सेम्पियन जानायनि सिमाड जाफुडखेमोन। नाथय बे खेबआव बिथानि सेम्पियन जानायनि सिमाड मोखथाडव महर मोनबाय। कार्लसननि टीमआ 7 राउन्डआव खेब 6 देरहानाय थिसन्दो। गुबुन फासैं बिस्वनाथन आनान्दजों दैदनजानाय रमानियानि



सुपार चेस क्लाबजों खेबसे मेचआव इ गेलेदोब्लाबो 13 पइन्टजों गिबि नम्बरआव कार्लसननि टीमआ जायगा मोन्दो। बे समाव कार्लसनआ गिबिये बड'आव 6 राउन्डआव 5 पइन्ट

आर्जिनानै साबसिन गेलेगिरिनि फोरमान लाबोनो हादो। बिथाडा गासै राउन्डनि समावनो टीमखौ मोजाडे दैदेन्दो आरो सेम्पियन जानायव साबसिन बिहोमा होनाय गेलेगिरि जानो हादो।

( 1 बिलाइनिफ्राय )

## बड'लेन्ड मुलुगसोलोंसालिनि भि.सि.नि आयदाखौ लानानै ...

बे आयदाखौ नायनाय जागोन होना गिबि मन्थि उ हिमन्त बिश्व शर्माआ बुडो। बेराफारसे कक्राझाराव दुलाराय बर' फरायसा आफादआबो दिने बे आयदाखौ लानानै मोनसे खौरंगिरि जथुम खुंदो। बड'लेन्ड मुलुगसोलोंसालिनि गेनाखांथिजों लोब्बा थायाय भि.सि. लाइस्त्राम लाडु सिंखो बोखानायनोनि आयदाखौ मख 'दो एक्सुनि लेडज आफादगिरि खोरेमदाव औवारिआ। मंगलबारखालि मोनाबिलियाव बिटिआरनि गाहाइ प्रमद बर'जों एक्सुनि सावरायलायनायाव मोनथाम आयदायाव एक्सुआ सरसनस्थायै सोमावसारनायखौ दोन्थदो। गिबि सार्थआव बड'लेन्ड मुलुगसोलोंसालिनि भि.सि. खौ होखानांगो, नैथि सार्थआ भि.सि.खौ बोखानायनयनि सोमोन्दे रइज्यो बेंगिरिजों एक्सुनि सावरायलायनायाव बिटिआरनि गाहाइ प्रमद बर'आ बाहागो लादोमोन, थामथि सार्थआ फेगौ 16, 17 आरो 18 आव बड'लेन्ड मुलुगसोलोंसालियाव 'नाक' आ नायसंफेनायनि मायादायव एक्सुआ सुबुंखांथिजों सोमावसारनायखौ सइसनस्थायै 18 अक्टूबरसिम बोखाना लादो। लोगोसेनो 19 अक्टूबरनिफ्राय फिन भि.सि.नि हेन्थायै सुबुं सोमावसारनाया सोलिफिनगोन होना एक्सुआ खौरंगिरि मेलनि गेजेरजों फोरमायदो।

## एल एन्ड टि कम्पानीनि हेफाजाबाव लुनाय रेंग थि...

आथिखालाव गोबां राहा लाबोदो। सरकारि राहाफारिजों लोगोसे गावयारि खोन्दोयादि रेंग थि फोजौखानायनि बिथिडव गोनांथार बिफाव लानो हायो बे थांखिजों रइज्योनि उद्यमआरि फोरोंथाय फसंथाननि बादियै रेंग थि फोजौखानायनि फसंथानफोरखौ गोदान मुगायारि रेंग थि गोनां बिथिजों दावगालांहोदो थाखाय रइज्यो सरकार एल एन्ड टि कम्पानीजों बुजिलायनायनि गोरोवथा खालामदो होना मख 'नानै बिथाडा बुडोदि, भारतनि लुफुंथाय खोन्दोनि मोनसे गिदिर लुफुंथाय फसंथान एल एन्ड टिजों लोगोसे गसाइगाव, नलबारि आरो गगामुखनि आइ टि आइफोरखौ फोजौखानाय आरो गोदान-गोदान जोन्थोरफोरजों सामल्लयागोन। बेनिफ्राय लुफुंथाय खोन्दोजों लोब्बा थायाय सुबुं सम्पद सोरजिगोन होनानै निबिथाड बुडो। गिबि मन्थिआ बुंबावोदि, दिने बलमगुरियाव रेंग थि फोरोंथाय मिरुखौ बेखेवनायनि उनावनो फेगौ दानसेनि गेजेराव नलबारि आरो गगामुखनि रेंग थि फोरोंथाय मिरुखौ बेखेवनाय जागोन। गिबि मन्थिआ बुंबावोदि, गोदान मुगायारि उद्यमनि थाखाय कारकिरि महै मोजा रेंग थिजों सुबुं सम्पद सोरजिनो थाखाय टाटा फसंथानजों गोदान सोलौंथाइ मिरु बेखेवनो थाखाय 3 रोजा कीटि रनि बुजिलायनाय गोरोवथा खालामनाय जादो। लोगोसे बे गेजेराव 3 डि प्रिन्टि बायदि गोदान मुगायारि आदबफोरनि फोरोंथायनि राहा खालामनाय जागोन। बेनिनो मोनसे मिरुआ बल्लमगुरियाव गायसनजागोन। रइज्योनि आइटिआइफोरनि मान दान्जा, मुलुगनि मान दान्जाजों समान खालामनो थाखाय नाजागासिनो होनानै बिथाडा बुडो। आरोंदआरिखौ गोखैथै सोलायनाय आरो थिसन्थायनि बिथिनि गुवार खोन्दोयाव थिसन्थायनि खानु मोनो हगोन। गिबि मन्थिआ बे रेंग थि फोजौखौ मिरुखौ नायगिदिनानै एल एन्ड टिआ जेसेबां गोदान मुगायारि मुवा-बेसाद आरो जोन्थोरफोरखौ फरायसाफोरनि थाखाय फसंथानाव गायसन्दो बेफोरनि सायाव सुलु लायो। दिनेनि बे हाबाफारियाव नख 'र लुनाय आरो नोगोर जौगाखां बायदि बिफाननि मन्थि अशक सिंहाल, सुबुं देहा आरोंदयारि बायदि बिफाननि मन्थि जयन्त मल्ल बरुवा, बिटिसिनि गाहाइ मावफुं सोद्रोमा प्रमद बर', एमएलए जिरम बसुमतरा, बिटिसिनि मावफुं सोद्रोमाफोर फारिया- उइलसन हासदा, रेवेवा नाजिहारी, उकिल मुसाहारी, एमसिएलए सजल कुमार सिंह, मावफारिया अन्साय बिफाननि प्रिन्सिपाल सेक्रेटारि बि कल्यान चक्रवर्ती, बिटिसिनि प्रिन्सिपाल सेक्रेटारि आकाशदिप, जिल्ला बेंगिरि पि के द्विवेदी, महकुमा बेंगिरि अरन्वक शर्दिकिया, एल एन्ड टि कम्पानीनि थान्देफोरजों लोगोसे माखासे गोजां थाखोनि बिबानगिरिफोरबो बाहागो लायो।

( 1 बिलाइनिफ्राय )

## चिरां जिल्लानि थाखाय 465 कौटि रानि गुबुन गुबुन जौगालु बिथांखिनि अन्थाइ खाम्फा ...

बिथांखि आरो सावरं गोबां गामियारि पाइपनि गेजेरजों दे जगायथाय बिथांखि मोनैखोबो अन्थाइ खाम्फा गायसन्दो। बेखौ लोब्बा लानानै काजलागाययाव खुंनाय रइज्योयारि मेलयाव बिबुंथि होनानै गिबि मन्थिआ बुंदोदि, बे बिथांखिफोर फेगौ सानफोराव चिरां जिल्लानि सरसनस्था सुबुंफोरनि मिर्जि आरो हास्थानायफोरखौ सुफुंनयनि बिथिडव हेफाजाब गोनां जागोन। थांयाय 2 बोसोर नाडे चिरां जिल्लायाव सोलिबाय थायाय जौगाखाडारि खामानि-दामानिनि थासांरिखौ भारतीय जनता पार्टी दैदेनाय रइज्यो सरकार जिल्लानि सरसनस्था सुबुंफोरनि फारसे बिबान गोनांखौ दिन्थिदो होना बिथाडा बुडो। दिने बेखेवनाय आरो अन्थाइ खाम्फा गायसन्थाय लामा लुफुंनय बिथांखिफोर जिल्लानि रंखांथियारि खामानि-दामानिफोरनि मिर्जिथिनयफोरखौ बांहोगोन होना मख 'नानै गिबि मन्थिआ बुंदोदि, बे बिथांखिफोर फेगौ समाव चिरां जिल्लानि मोनसे गेदेर अन्जिमानि सरसनस्था सुबुंफोरनि रंखांथियारि जौगाखानाय बिहोमा होनो हगोन। जिल्ला गेलेमु स्टेडियम लांगोना लुफुं जायोब्ला रइज्योयारि जौगाथाय फारिलाइयाव मोनसे गोनांथार फोनजोव जागोन हानानैबो बिथाडा बुडो। गिबि मन्थिआ बुंदोदि, मोनसे समाव बिटिआरखौ गोजोन गैथै ओन्सोल होना सान्नाय जादोमोनब्लाबो आथिखालाव ओन्सोलआ जोबोद जौगाखानायनि थाखाय मिथिसार जादो। गिबि मन्थिआ मिर्जिथिदोदि, आथिखालनि जौगाखानायनि गोखैथिखौ जायखि-जाया जाहोनावनो होबथाजायालासेनो सोलिबाय थागोन। गिबि मन्थिआ अरुनदय, 40 लाख नख 'फोरनो रसन कार्ड गथायनायनि थाखाय सोलिबाय थायाय हाबाफारि आयदानि बाश्नाखोबो गावनि बिबुंथियाव मख'दो। दिनेनि बे हाबाफारियाव नख 'र लुफुंथाय आरो नोगोर परिक्रमा बायदि बिफाननि मन्थि अशक सिंहाल, आखाइ इसान-जि-जोम आरिमु बायदि बिफाननि मन्थि इउ.जि. ब्रह्म, बिटिसिनि गाहाइ मावफुं सोद्रोमा प्रमद बर', एमएलए अजय कुमार राय आरो जयन्त बसुमतरामोनजों लोगोसे माखासे मान गोनां सुबुंफोर बाहागो लादो।

बासुगाव: चिरां जिल्लानि सिमना ओन्सोल, कक्राझार आरो बड'इगाव ओन्सोलनि साखाथियाव थायाय बासुगावआ जोबोद गोनांथार सोहो। सोहोखौ सा-सान्जा सिमनो रेलवे लाइना आ मोनै बाहागोयाव बोखावनानै सोनाबनिफ्राय सान्जा फारसे थाडो। बे रेल लाइनि थाखाय सरसनस्था सुबुंफोर जोबोद जेना-जैसिजों मोगा-मोगि जाबोदो। रेलवे गेट बन्द' थायायनि थाखाय माब्लाब घन्टासे नाडे सम थाथ'नो गोनां जायो गुबुन गुबुन गारि-मथर आरो दावबायारिफोरा। फारसेथि, गोबां जाब्रबथाय जानायनिबो फोरमान मोन्नाय जादो रेलवे गेटयाव। जायनि थाखाय बासुगावनि गोबां साननि जेनाया दिने सुफुंजाबाय रेल लाइनि सार्जों गोदान लुनाय अभाब्रिडजखौ बेखेवनायनि गेजेरजों। अभाब्रिडजखौ दिने साननि 2.30 रिगासोयाव आसामनि गिबि मन्थि उ हिमन्त बिश्व शर्माआ गोबां रइजो-रजाफोरनि नुजाथि फेनायाव जोबोद गोसो हास्थानाय-मिर्जिथिनयनि गेजेरजों बेखेवनाय होयो। दिनेनि बेखेवनाय हाबाफारियाव बिटिआरनि गाहाइ मावफुं सोद्रोमा प्रमद बर', जायगानि एमएलए जयन्त बसुमतरा, रइज्यो सभानि एमपि रोनांगोर नाजरी, आसाम सरकारनि मन्थि अशक सिंहालमोनजों लोगोसे गोबां दैदनगिरि-मदतगिरिफोरनि अनगायैबो जिल्ला थाखोनि बिबानगिरिफोरा बाहागो लाफेदो। मख 'नो गोनांदि, अभाब्रिडजखौ बेखेवनायनि सिगां माखासे हारिनि सुबुंफोर गुबुन गुबुन सुबुंफोर माखासे सुबुंफोरनि मुं लाखिनांगो होना दाबि खालामदोब्लाबो जोबथायनायाव दिने काशिकत्रा-बासुगाव-तालगुरि लामा आरो सा-सान्जा रेलवे लाइनिनि साखाथियाव हाइटेक कनस्ट्रक्सन कम्पानीआ 63,85,07,964 कौटि रं बाहायनानै लुनाय अभाब्रिडजखौ थांयाय 2019 माइथायनि 19 मार्चयाव अन्थाइ खाम्फा गायसन्थाय जादोमोन। 4 बोसोरनि उनाव अभाब्रिडजआ गोथारि बेखेवनायाव गोसो गोबांजों गोजोनाय आरो रंजाखानाय फोरमायदो ओन्सोलनि थागिरिफोर।

## बि टि सि सरकारा आजावनाय माखासे बिथांखिफोरनि सायाव सावराय मेल खुंदो

सावराय मेलव बराम फोजोबसां, गोदानै जागायजेन्ना आइ अन्साय बिथांखि आरो केन्सार केयार ट्रास्ट, बड'लेण्ड पिग मिशन, बेरा मिशन, बड'लेण्ड आखाइ इसान मिशन, बड'फा सुपार-50 मिशन, गियान सोरं बिथांखि, बड'लेण्ड फरायसालि खानाय बिथांखि, बड'लेण्ड जथाय बोसोन हाबाफारि, बड'फा थांना थायाय राहा मिशन, मैखुन मिशन, हेपिनेस मिशन, केरियार बोसोन हाबाफारि, बड'लेण्ड स्टिम हाबाफारि, फिन रोदोमखां, ग्रिन बड'लेण्ड मिशन, बड'लेण्ड सेरिकालचार मिशन, मिशन बैसोमुथि, थंफाकि डिजिटेल गोखौ मिशन, लाखपति आइजो, बड'लेण्ड गामियारि उद्यमयारि मिरु, स्टार्टआप डेस्क, इनभेस्ट बड'लेण्ड, ना खोन्दोनि उद्यम आरो लिंग सम्पद सेल, पिपुलस ह'प पिपुलस प्लेन, सिइएणस डेसबर्ड बायदि बिथांखिफोरनि सायाव सावरायलायो। बे सावराय मेलव प्रमद बर'आ रौता, दुवारकुसि, कक्लाबारि, बरखुलि आरो चन्द्रपाराआव गंसेयाव 5 कौटि रं बाहायनानै बीर चिलगां बसुमतरा गीसोखां मिनि स्टेडियम लुनो फोसावनानै होयो। मोन 420 भिसिडिसियाव सुबुंथिनि थान्दे बिनेश्वर ब्रह्म बड'लेण्ड नलेज सेन्टारजों लोगोसे गं 5 सहाराव जालाख 'नाजरी गोसोखां सावथुन दिन्थिफुंसालि आरो बिटिसिनि मोन 40 बियाबाव गंसेयाव 1 कौटि रं बाहायनानै मुख्लं सुजित नाजरी गोसोखां सावराय न'ब्लां लुनो फोसावो। बिटिसिनि जथाय सेक्रेटारि रिन्तु चन्द्र बर'आ फोरमायोदि, दासिम बिटिसि सरकारा आगस्ता फाउन्डेसननिफ्राय 12 कौटि रं, सेलेक' फाउन्डेसननिफ्राय 14 कौटि रं, हत्स फाउन्डेसननिफ्राय 7 कौटि रं, इडनिसेफनिफ्राय 24 लाख रं, बिआरएलएफनिफ्राय 8 कौटि रं, सिआइएआइनिफ्राय 15 लाख रं गासै 41.39 कौटि रं मोन्तो हादो। बे सावराय मेलव बिटिसिनि प्रिन्सिपाल सेक्रेटारि आकाशदिप, गासैबो सेक्रेटारि, जथाय सेक्रेटारि आरो बिफानफोरनि बिफान गाहाइ, खोन्दो रेंग 'सार आरो बिटिसिनि गोजां थाखोनि बिबानगिरिफोरबो बाहागो लायो।

एबसु आरो गेलेमु आफादनि बान्जायनायाव 18... ओन्सोलनि रइजो-रजाफोर मदत-हेफाजाब होगोन होनानै कलाइगाव एक्सुनि लेडज आफादगिरि पविन बर'आ मिर्जिथिनय फोरमायदो।

# आमिर खाननि फिसाजो आयराआ 3 जानुवारीयाव हिन्जाव गोदान जासिगोन

बलिउडनि स्टार आमिर खानआ बे समाव सावथुन पर्दानिफ्राय जानगाराव थादों। बियो सावथुन लाल सिंह चडढानि उननिफ्राय जेबो सावथुनआव फाव खालामाखै। आमिरनि जेबो सावथुनआ बक्स अफिसआव गाज्रि रोखोमै फलप जादोंमोन। सावथुननि फलप जानायनि उननिफ्रायनो फावखुंगुरआ सावथुननिफ्राय मोनसे गोलाव सम ब्रेक लादों। बेजों लोगोसेनो बियो सशेल मिडियानिफ्रायबो आबुडै जानगाराव थादों, नाथाय आमिरनि फिसाजो आयरा खानआ सशेल मिडियाआव गोबां एक्टिभ थायो आरो बियो सम सम सुबुंफोरनि गेजेराव गावनि बिबुंथि होयो। थानाय सानआव आयराया गावनि



गोलाव सम बयफ्रेन्ड जानाय सेंग्राजों आस्थाम सोलायदोंमोन, जायनि उननिफ्रायनो बिसोर सानैनि जुलिखौ लानानै बाथा सावरायनाया सोलिलदोंमोन। सुबुंफोरा आलादा-आलादा

सन्देह' खालामदोंमोन नाथाय आधिखालाव आमिरआ जुलिनि अक्टूखौ फोरमायनानै सुबुंफोरनि सन्देह'खौ रोखा खालामना होदों। बावैसो समाव होनाय टिभि इन्टारभिडआव आमिर खानआ आयरा खाननि जुलिजों

सोमोन्दो गोनां मोनसे जर'खा बाथ्राखौ फोरमायदों। बियो आयरानि जुलिखौबो बे समाव सुबुंफोरजों शेयार खालामदों। बियो फोरमायदोंदि, 2024 नि 3 जानुवारीयाव आयराया हिन्जाव गोदान जागोन।

आमिरनियाव जेब्ला नोंथाडा बिफानिफ्राय बिहाव जासिगोनमा बाथा बुंनो सानो होना सोंथि सोडो अब्ला बियो आयरानि जुलिनि अक्टूखौ फोरमायनानै बुडो, आयरानि जुलिया 3 जानुवारीयाव जासिगोन, जाय हौवाखौ बियो सायख'दों बनि मुझ नुपुर। बियो सासे ट्रेनार आरो बियो मोजां सेंग्रा। आयराया जेब्ला डिप्रेशनजों भुगिदोंमोन अब्ला बियो बिजों लोगोसे दडमोन। बियो अरायसम बिजों गसंफादों आरो बियो इमशनेली हेफाजाबो होदों। गाव बेखौ नुनानै गोजोनोदि, बियो सासे औरैखायदि हौवाखौ सायख'दों, जाय बियो गोजोनै थानो हागोन। आमिरआ बुंवावदों, बिसोर सानैया गोबां मोजां सोमोन्दोआव थायो, गावजों गाव जोथोन लालायो। बियो थारैनो सासे मोजां सुबुं आरो बनि बिमाया गावसोरनि नख'रनि सोद्रोमा।

## माहाम देहानि राहा गथ 'खौ गाहामै फुथुनो सानोब्ला माखासे गोनांथार टिप्सखौ बाहायनाया गोनांथार

देहाखौ फिट लाखिनो थाखाय सानफ्रोमबो थोजासे उन्दुनाया गोनांथार जायो। जुदि सानसेब्लाबो उन्दुनाया आबुं जायाब्ला नैथि सानआव मॅनाय आरो गोजोन गैयैखौ हंदाडो। बेबायदिनो गथ 'फोरनि थाखायबो उन्दुनाया गोबां गोनांथार जायो, जायजों गथ 'फोरनि गोसोआरि आरो देहायारि जौगाखानाय फैयो। जाय गथ 'नि उन्दुनाया आबुं जाया बै गथ 'नियाव माखासे रोखोमनि देहायारि जॅना जायो। गथ 'फोरनि जौगाखानाया थाद 'यो, बिसोरो रगा 'खर' जायो। बेनि अनगायै माखासे गथ 'फोर गुफुं देहानिबो मैहुर जानाडो। गोलाव समसिम थोजासे उन्दुआब्ला गुफुं देहा, डायबिटीज आरो बिखाजों सोमोन्दो गोनां बेराम जानायनि जॅनायाबो बाडो। गथ 'फोरनि थाखाय मोनसे मोजां रोखोमनि



स्लिप शेड्युल थानाया गोनांथार जायो। बे आर्टिकेलआव नोंथाडा माखासे टिप्सखौ मोनथिनो हागोन जायनि मदतजों नोंथाडा गथ 'नि थाखाय मोनसे मोजां स्लिप शेड्युलखौ बानायनो हागोन। मोनसे हेल्दी बेड टाइम रुटिन बानायनो थाखाय बेडरूमखौ उन्दुनो थाखायल' दोन्नांगौ। बेजों गथ 'फोर बेडरूमआव थाडोब्ला उन्दुनायनि सम जानायखौ हमदानो हागोन। बिस्वायाव जिरायनानै टिभि नायनाया गाहाम नडा। बेबायदियाव गथ 'फोर बांसिनै

सिसायाव थाडोब्ला टिभि नायनो अखा खालामो। गथ 'फोरखौ फु थुनायनि सिगां मोनसे गोजोन थासारिखौ लाबोनांगौ। बेनि थाखाय नोंथाडा गथ 'नो बिस्वायाव सल' एवा बिजाव फरायहोनांगौ। बे समाव फन होनाया गाहाम नडा। गथ 'नो उन्दुनायनि 2 घन्टा सिगां मोनानि जाग्रा आदारखौ जाहोगोनांगौ। जाहाथे गथ 'नि दोगोना मोजां जायो आरो बियो गेसनि जॅनाजों भुगिनांनय नडा।

## रणबिर कापुरनि सावथुन 'रामायण' आव सानि देअलआ एन्ट्रि जासिगोन



हनुमाननि फावखौ लानानै सावरायलायनायबो जादों। रिपर्टनि बायदिल्ला नितेश तिवारीनि फैनो गोनां सावथुन रामायणआव रणबिर कापुरखौ भगवान रामनि फावआव नुनो मोनगोन। फारसेथिं साइ पल्लिभिखौ सिता आरो यशखौ राभननि फावआव नुनो हागौ। पिंकविलानि रिपर्टनि बायदिल्ला सानि देअलआ सावथुननि बाहागो जानाय आरो हनुमाननि फाव खालामनायाव गावनि गनार्यथिखौ फोरमायदों। फोरमायनाय बायदिल्ला हनुमान जिआ गोबां गोहो गोर आरो मेकासनि बायदिल्ला सावथुन इन्डास्ट्रीयाव सानि देअलनिफ्राय साबसिन हनुमाननि फावखौ गुबुनआ जास्टिफाइ खालामनो हाया। बे जाहोनावनो सानिखौ बे फावनि थाखाय जर'खा महरै एप्रच खालामनाय जादों। मख 'नो गोनांदि, सावथुन गादारनि बिथोनगिरि अनिल शर्माया गावनि सावथुनखौ रामायणजों रुजुखांबाय। अनिलनि बायदिल्ला गादार-2नि जाफुंसारनायनि उनाव मोनसे प्रेस कन्फेन्सआव बुंदोंमोनदि, गिबियाव गादारआ रामायणआनोमोन। राम जिआ सिताखौ लाइफिनो लंकायाव थाडो। गाव हमदाडोदि, बेयो (सिगांनि गादार) रामायण, बेयो फलप जानाय नडा मानोना बेयो सुबुंफोरनि गोसोआव जर'खा जायगा बानायदों।

बावैसो समाव रिलिज जानाय सानि देअलनि सावथुन गादार-2 आव नायगिरिफोरनि गोबां मोजां रेस्पन्स होनायखौ नुनो मोन्दोंमोन। सावथुनआ बक्स अफिसआव 540 कॉर्टिनिफ्रायबो बांसिन रांखौ आरजिखांबाय। बेनि गेजेराव खौंर फेनाय बायदिल्ला सानि देअलखौ मोनसे फैनो गोनां सावथुनआव गोदो-गोदायनि आखुआव नुनो हागौ। मिडिया रिपर्टनि बायदिल्ला सानि देअलखौ बिथोनगिरि नितेश तिवारीनि फैनो गोनां सावथुन 'रामायण'आव हनुमान जागोन होना गोबां सावरायनाय जादों। फोरमायनाय बायदिल्ला सावथुन मेकार नितेश आरो सानि देअलनि गेजेराव

## फावखुंगुर नागा चेतन्य आरो बनि आगुनि बिसि सामन्था रुथ प्रभुनि लोगोसेयै थाफिन्नायनि सन्देह'आ बादों

माखासे स्टार ज 'रफोरनि आलादा जानाय एवा फाथैलाइ बिसिनानयनि उनाव खौसेयै थाफिननायखौ बाडइ नुनो मोनो। बांसिनै आलादा एवा फाथैलाइ बिसिलायनायनि उनावबो स्टारफोर गावजों गाव लोगो जालायनानै थाफिनो। मोनसे समाव जेब्ला ऋतिक रशनआ गावनि बिसि सुजेनजों आलादा जादोंमोन अब्ला माखासे समनि उनाव बिसोरो सानैजों लोगोसेयै थाफिननो हागौ होना गोबां सावरायनाय जादोंमोन। नाथाय बेबायदि जायाखै। फारसेथिं आधिखालाव थानाय बोसोरआ आमिर खाननि सावथुन लाल सिं चडढाआव नुनो मोननाय साउथनि स्टार नागा चेतन्य आरो बनि आगुनि बिसि सामन्था रुथ प्रभुनि सोमोन्दै बेबायदिनो माखासे बाथाफोर सोलिलदों। नागा आरो सामन्थाखौ मोनसे समाव तेलुगु सावथुन इन्डास्ट्रीनि बयनिखुइ



साबसिन ज 'रफोरनि गेजेराव मोनसे महरैमानिनाय जायोमोन। बिसोर सानैया लाभ मेरिज खालामदोंमोन, नाथाय 2021 आव हरखाबै बिसोरो फाथैलाइ बिसिनो फोसावो। नाथाय बे बाथाया बिसोरनि फेन्सफोरखौ गोबां दुखु होदों। दिनैसिमबो औरैबायदि लाख लाख फेन्सफोर दड; जायफोर बिसोर सानैनि गोरोबलायनायनि थाखाय आर'ज गावो। बेनि गेजेरावनो थानाय माखासे समनिफ्राय बिसोर सानैनि गो रो बलायफि ननायनि

सोमोन्दैबो सन्देह' खालामनाय जादों। बावैसो समाव फेन्सफोरनि गेजेराव नागा चेतन्य आरो सामन्थानि औरैबायदि पस्टआ इन्स्टाग्राम वालआव फेदों, जाय साफ्रोमखौबो गोमोहोदों। सामन्थाया माखासे सान सिगां गावनि आरो आगुनि फिसाइ नागा चेतन्यनि जुलिनि मोनसे सावगारिखौ शेयार खालामदों। बेजों बिसोर सानैनि जॅना सुखालायनायनि सन्देह'आ गोखै जादों। बे बाथानि सायाव सावरायनाया थाद 'थेनि गेजेरावनो नागा चेतन्यनि इन्स्टाग्राम पस्टआ

साफ्रोमखौबो गोमोहोदों। मख 'नो गोनांदि, नागा चेतन्यआ गावनि इन्स्टाग्राम एकाइन्टआव मोनसे सावगारिखौ शेयार खालामदों, जेराव हेश मुनि मोनसे फ्रेन्स बुलडगखौ नुनो मोन्दों। बिसोर सानै स्टारफोर लोगोसेयै जुलिनि उनाव बे सैमाखौ खंदोंमोन। फाथैलाइ बिसिनानयनि उनाव बे बुलडगखौ सामन्थाजौल' नुनो मोन्दोंमोन। नाथाय आधिखालाव हरखाबै नागा चेतन्यआ हेशनि सावगारिखौ शेयार खालामदों।

## सावथुन जवान, पाठान आरो गादार-2 नि उनाव आरोबाव रवनसे बलिउडआ गाज्रि थासारियाव गोव्लैदों

बलिउडनि बक्स अफिसआ गोखैयै बांनय-दावखलायनायजों बारग 'नांदों। शाहरूख खाननि सावथुन पाठान, जवान आरो सानि देअलनि गादार-2 नि अनगायै गुबुन सावथुनआ बेवहाय दोहौ सोमजिहोनो हायाखै। जवान आरो गादार-2 नि उनाव गासैबो मोजां जाफिनबाय आरो नायगिरिफोरा थिएटरफोराव फेफिनबाय होना हमदानाय जादोंमोन, नाथाय बे सावथुनफोरनि उनाव स्टारफोरजों समायहोनाय माखासे सावथुनफोर थानाय दानफोराव टिकेट खिडकियाव गाज्रि थासारिजों भुगिनांदों। बे मोन 3 सावथुनफोरनि अनगायै बे बोसोरार 'तु झुटि मै मक्कार, किसी का भाइ किसी की जान, दा केरेला स्टारि, आदिपुष्प, रंकि और रानि की प्रेम काहानि, अ' माइ गड-2 आरो ड्रिं गार्ल-2 आल'6 कौटिनिफ्राय बांसिन



रांखौ आरजिनो हानायाव जाफुंसारदों। नाथाय बेनि ओंथिया गासैबो सावथुनआनो हिट जादों बे नडा। 'जवान'नि उनाव रिलिज जानाय गिदिर सावथुनफोराव दा ग्रेट इन्डियान फेमिली, सुखि, फुकरे-3, दा भेक्सिन वार, चन्द्रमुखि-2, थेंक इड फर कार्मिं आरो मिसन रानिगन्जआ दंफावो। नाथाय बेवहाय फु करे-3 नि अनगायै बक्स अफिसआव

सावथुनफोरा नायगिरिफोरखौ लाबोनो हानायाव जाफुं डारखै। भिक्की कौशलनि दा ग्रेट इन्डियान पेमिलीआ हिन्दु-मुस्लिम आयदानि गेजेराव फलप जादों आरो बेनि गासै कालेक्शनआ 5 कौटि रां जादों। सल' स्टारनि महरै भिक्की कौशलनि थाखाय बेयो सोमोनांथाव जादों। बेबादिनो गोलाव समनि उनाव सावथुन सुखिजों

फेफिननाय शिल्पा सेट्टीनि फेफिननांगौनि गासै लामाया बे सावथुननि जाफुंसारैजों बन्द जादों। कंगना रतनि थाखायबो चन्द्रमुखि-2 नि जाफुंसारैया जॅनाखौ लाबोदों। साउथनि बे सावथुनखौ हिन्दीआव राव दानस्लायनानै रिलिज खालामदोंमोन नाथाय नै सप्ताह जानायनि उनावबो बेनि कालेक्शनआ 1 कौटि रांखौ आरजिनो हायाखै।

## फावखुंग्रि रेखाया गावनि जिउआव गोबां जॅनाजों भुगिबोनांदों

फावखुंग्रि रेखानि जिउआव बारहुंखाबादि गोबां थासारि फेदों। माखासे थासारिआव बिखौ गोदोलांसिगोन होनानैबो हमदानाय जादोंमोन। नाथाय खनफ्रोमबो बियो गावखौ गोखौडे फसबोदों। जिउनि गासैबो थासारिआव बियो जॅनाजों भुगिबोनांदों। उन्दै समनिफ्राय लानानै सिख्ला देरजासिम बियो गोबां जॅनाजों भुगिबोदों। बिफाजों माब्लाबाबो गनयजायै आरो



बिमाजों अरायसम थाबोनाय रेखाया गासैखौबो गोनांथि जानायाव मावबोदों, जायखौ बियो माब्लाबाबो मावनो मोजां मोनामोन। बेनि

गेजेरावनो एक्टिडबाबो मोनसेमोन। रेखाआ फोरमायखांबायदि, गाव माब्लाबाबो एक्टि'खालामनो हास्थायामोन, नाथाय

जबरदस्थियै एक्टिं खालामहोदों। गोबाव बोसोर उनाव सावन-भाद'आव फाव खालामनानै बियो एक्टिंनि गुनखौ मिथिनो आरो उनाव एक्टिंनिफ्राय बियो माब्लाबाबो गोजान जायाखै। थारैनो रेखाया गासैबो सोमोन्दोफोरखौ नेवसिगारबोदों, नाथाय फावखुंग्रिनि मुडा गोबां फावखुंग्रिफोरजों सरजाबदों। बै समाव एरैबादि जादों, जेब्ला रेखाया बबेबा सावथुनआव फाव खालामो अब्लानो बनि मुडा गाहाइ हिर'जों सरजाबोमोन। नभिन निश्चल, जितेन्द्र, भिनद मेहरा, अमिताभ बच्चन, राज बाबबर, मुकेश आगरवाल, सन्जय दत्त आरो अक्षय कु मारजोंबो रेखानि मुडा सरजाबदोंमोन। नाथाय गोमोथाव बाथाया बेदि बेनि गेजेराव रावजोंबो सोमोन्दोआ रोखा जायाखै आरो बनि मोजां मोनलायनायनि सल'आ खनफ्रोमबो आद्रा जाबोदों।

## आमिर खानआ गावनि फैनो गोनां प्रजेक्टनि सायाव बाथा फोरमायदों

आमिर खानआ 2022 आव रिलिज जानाय फलप सावथुन लाल सिंह चडढानि उनाव सावथुननिफ्राय माखासे समनि ब्रेक लादोंमोन। आधिखालाव आरोबाव खनसे आमिरआ गावनि हाबाफारि मावनायखौ जागायबाय। बावैसो समाव आमिरआ सानि देअलजों आखाय हमलायदों, जायनि गेजेरजों सावथुन 'लाहौर 1947'

खौ बानायगोन। फारसेथिं आधिखालाव आमिरआ गावनि फेन्सफोरनो मोन 3 गिदिर खौरां होदों। आमिरआ निउज 18 इन्डियानि हाबाफारि अमृत रत्न 2023 आव गावनि फैनो गोनां सावथुननि खौरांखौ फोसावदों। गुबुन फारसेथिं आमिरआ गावनि फिसाजो आयरानि जुलिनि अक्टूखौबो फोरमायदों। अमृत गेजेरजों सावथुन 'लाहौर 1947'



उदाडै गावनि इथुनि प्रजेक्टखौ लानानै बाथा सावरायदों। बे समाव आमिरनियाव जेब्ला सावथुनफोर लानानै फेफिनायनि सोमोन्दै सोंथि सोडो अब्ला बियो फोरमायोदि, फेगौ सानफोराव गावनि मोन 3 गिदिर प्रजेक्टफोरा सोराडव फेगोन। बेवहाय बनि प्रडावशननि गेजेरजों सावथुन लाहौर 1947 खौ बानायगोन,

जायखौ राजकुमार सन्तषिआ बिथोन होगोन आरो सानि देअलआ गाहाइ फाव खालामगोन। आमिरआ बे समाव फोरमायबावदों, सानिनि सावथुननि अनगायै आरोबाव मोनसे सावथुनखौ गाव फिसाज्ला जुनेदखौ लानानै बानायगोन। बेयो रमान्टिक ड्रामा जागोन, जायनि सल'आ गोबां आलादा, बेनि अनगायै

बियो सावथुन 'सितारे जमिन पर'खौ लाना फेगोन। बेखौ लानानै बियो बुंदों, 2007 आव 'तारे जमिन पर'आ रिलिज जादोंमोन। आधिखालाव बे हान्जाजोंनो गाव बे सावथुनखौ बानायगोन, जाय बेनि 10 अगान आवगायनाय जागोन। बे सावथुनआ इमशनेलनि अनगायै इन्टरटेन जागोन।

## इज्राइलनि बमआ गाजानि थागिबिफोरखौ रैखा खालामनायनि मोनसेल' लामाखौबो ब्लक खालामबाय

गाजा, 11 अक्टूबर: मिस्त्रआ गाजापट्टीनिफ्राय गावसोरनि सिनाइ द्विप हान्जायाव गोबां अन्जिमानि न' नागारना खारग्राफोरखौ होबथानो आवगायगासिनो दड। गाजानि बिबानगिरिफोर आरो मिस्त्र'नि रैखाथि सुबुंफोर रायटरफोरनो बेनि खौरां होदों। मिस्त्र'नि मोननै रैखाथि सुलुंफोरनि बायदिब्ला, गाजायाव इज्राइलनि गाग्लोबनाया जिंगा सोमजिदों। मिस्त्रआ इज्राइलनिफ्राय गाजानि नोगोरारिफोरखौ खोला-सोनाबहा सिनाइनि फारसे थानो थाखाय गोनां खालामनायनि फ्राय



एन्क्लेभनिफ्राय रैखाथि गोनां लामा दिन्थिनो आर'ज गाबदों। सुलुंडाव फोरमायनाय बायदिब्ला हमाजनि गेजेरजों थानाय शनिबाननि गाग्लोबनाय उनाव इज्राइलआ गाजा पट्टीआव गिखंथाव गाग्लोबनायिनो दड। मिस्त्रनि हादतगिरि अब्देल फतह अलसिसिआ थानाय

मंगलबारखालि बुडेदि, मिस्त्रआ ओन्सोलारि आरो हारिमायारि बाहागो लाग्राफोरजों लोगोसे हिंसाखो सावरयनायनि गेजेरजों राहा दिहुनगासिनो दड। मिस्त्र'नि सांथिफोरा सिमना खाथियाव गोदानै थिसनजाबाय आरो ओन्सोलाव नोजोर होनो थाखाय पेट्रुलिं खालामगासिनो

दड। थानाय समबार आरो मंगलबारखालि बम गावनायाव राफा क्रसिनि फिलिस्ताइननि बाहागोआव थानाय मोनसे हाबग्रा गेटआव गाग्लोबदोंमोन। बेनि क्रसिंखौ मिस्त्र'नि फारसेनिफ्रायबो बन्द' खालामदोंमोन आरो गाजा दावबायनो बिथांखि लानाय फिलिस्ताइनफोर सा सिनाइनि गाहाइ सहर अल अरिशयाव थांफिन्दोंमोन। थानाय समबारखालि गासैसा 800 सुबुंफोर राफा क्रसिनि गेजेरजों गाजा नागासों आरो गासै 500 सुबुंफोर हाबो। आथिखालाव मुबा-बेसाद लांलाय-लाबोलायनि थाखाय क्रसिंखौ बन्द' खालामदोंमोन।

## 2035 सिमाव मुलुगनाडै खैला उद्यगनि 4 लाख साखि बायगोन

गोदान दिल्ली, 11 अक्टूबर : 2035 माइथायसिमाव मुलुगनि खैला उद्यगआव 4 लाखनि बांसिन सुबुंफोरनि साखिया बायगोन। सानसेयाव मोन 100 साखि बायनो हागौ। मोनसे रिपटआव बेनि दाबि दैखानाय जादों। चीन आरो भारतआ बेजों बयनिखुइबो बांसिन गोहोम गोग्लैगोन होन्नाबो रिपटआव बुंबावदों, एसेबां गोबां अन्जिमायाव साखिफोरखौ बायहोनायनि जाहोनखौ खम बेसेननि उइन्ड इनाजी आरो सलार इनाजीनि फारसे बाजारआ लेमलानाय आरो बोथोर सोलायनायफोरखौ होबथानायनि थाखाय बानायनाय नेम-खांथिफोरानो गाहाइ



होन्नाय जादों। ग्लबेल इनाजी लेन्डस्केपनि बिजिरसंगिरि सासे आमेरिकान एनजीअ ग्लबेल एनाजी मनिटरआ वे रिपटखौ थियारि खालामदों। रिपटआव फोरमायनाय जादोंदि, आथिखालाव सोलिबाय थानाय खैला खादानफोरखौ बन्द' खालामनायजों इयुनाव 9,90,200 साखिफोर बायगोन, जाय आथिखालानि गासै हाबा मावग्राफोरनि 37 जौखोन्दोजों समान। चीननि शांक्शी राइज्योआव बयनिखुइबो बांसिन साखि खोमानांनयनि खैफोद दड। रिपटनि बायदिब्ला 2050 सिमाव शांक्शीआव

2,41,900 साखिआ बायगोन। फारसेथि भारतआव वे समाव खैला इन्डियाआवोनो 73,800 खैला ख'निफोरनि मावफारियाफोरा साखि खोमानांनयनि। सोलिगासिनो थानाय एबा बन्द' जानाय 4300 खैला ख'निफोरनिफ्राय मुलुगाव खैला जावखानायनि 90 जौखोन्दो दिहुन्नाय जायो। बोथोर सोलायनायखौ नोजोर होना, आथिखालाव मुलुगनाडै खैलानिफ्राय मोब्लिब दिहुन्नायनि हेंथायै अजद दैखानाय जादों आरो सरकार आरैबायदि खान्थि बानायनो हमादों, जेराव खैलाखौ बाडइयै

बाहायनायाव बोलो होनाय जादों। खैला उद्यगआव 22 लाख साखिआ एशियाय हादतफोराव दड। बिब्दियाव खैला खादानआ खम जाबोनायजों बांसिनै एशियाय हादतफोरावनो गोहोम गोग्लैगोन। लोगोसेनो खैला खादानजों लोब्बा गोबां साखिफोरा सरसन्नायै रिपट ओन्सोलफोराव जायो। खैला खनिफोरनि जाहोनाव बेफोर ओन्सोलाव रांखांथिया जौगायो। खादानफोरा बन्द' जायोब्ला बिसोरनि रांखांथियाव गिदिर गोहोम गोग्लैगोनखौ आसा खालामनाय जादों।

## इराननि जौसिन दैदेनगिरि आयातुल्ला आली खामेनेइआ हिबु रावआव दुइट खालामदों

तेहरान, 11 अक्टूबर: इराननि जौसिन दैदेनगिरि अयातुल्ला आली खामेनेइआ इजराइलखौ सोखारिनां एक्सआव गिबि खेब हिबु रावजों दुइट खालामदों। इजराइल आरो हमासनि गेजेरव गोखों दावहा सोलिबाय थानाय समाव खामेनेइआ 10 अक्टूबरखालि ससेल मिडिया एक्सआव हिबुनिफ्राय इंग्रजिआव राव दानस्लायनायै लिरदों-जायनी तानाशाह: नोंथाड सव्वनि सान, 7 अक्टूबरआव गावनि जेन्नायनिफ्राय माब्लाबाबो सिखानो हानाय नड। नोंथाडनो बे खैफोदखौ गावनि सायाव लाबोदों। मख'जाथावदि, 9

अक्टूबरआव टेलिभिजनआव टेलिकास्ट होनाय मोनसे बिबुंथिनि माखासे घन्टा उनावनो खामेनेइनि एक्सआव पस्ट होनाया सोराडाव फेदों। टेलिभिजनआव फोसावजानाय बिबुंथिआव बियो इजराइलआव गाग्लोबनायनि थाखाय हमासखौ बाख्जायदोंमोन। बियो अपारेसनआव इराननि बिफाव दडमोन होन्नाय बाथाखौ नेवसिगारदों। सुलुंनि बादिब्ला, मार्च 2009 आव गावनि आफादखौ दाफुंनयनि उननिफ्राय खामेनेइआ हिबु रावजों गिबि मेसेज होदों। इजराइलनि मावख'यारि एक्स एकाउन्टआ इराननि जौसिन



दैदेनगिरिनो फिन्नाय होदों आरो बुंदोंदि, जेब्ला नोंथाड किबर्डीन आन्दोआव थाखोमानानै थायो, अब्ला गिनो रोडै जानानै थानाय गोलैं। नों आरो नौनि हमासनि लोगोआ थाबैनो बेरेखा हाबा मावनायनि थाखाय उन्दाहा खालामनांनयनि। आमेरिका आरो इजराइलनि बिबानगिरिफोरा

बुंदोंदि, हमासनि गोदान गाग्लोबनायाव इराननि बिफाव थाफानायनि जेबो फोरमान मोनाखै। बेनि सिगां 10 अक्टूबरआव आमेरिकानि हादरगिरि ज' बाइडेनआ लेडइ हादरगिरि कमला हेरिस आरो गुबुन हादरयारि मन्थि एन्टनी ब्लिंकनजों गसफानानै इराननि

हेंथायै गोखों सांग्राथि होनाय बुंदोंदि, जायखि-जाया हादर, जायखि-जाया आफादआ वे थासारिनि मुलाम्फ लानो सानाय जायखि-जाया सुबुंनि थाखाय आंहा फसे बाथा दड, बेनो जादों-बिब्द दाखालाम। जौनि गोसोआ बायलानो हागौ, नाथय जौनि थांखिआ रेखायैनो दड।

## हमासनि गाग्लोबनायाव इजराइलनि सा 1008 नोगोरारिफोरनि जिउ गोमाबाय

जेरुसालेम, 11 अक्टूबर: इजराइलआ हमासजों लोगोसेनो लेबानन सिमनायाव हिजबुल्लाहनि थाग्रा जायगायाव गाग्लोबनो जागायदों। इजराइलनि एयारफर्सनि बादिब्ला, से दर्जन फाइटर जेटफोरा गाजायाव हमासनि गं 70 थाग्रा जायगाफोराव गाग्लोबदों। बेफोर केम्पफोरा दुर्ज तापा ओन्सोलाव दड। वेवहायनो हमासनि बयनिखुइ बांसिन सेन्टरफोर दड आरो इजराइलनि हेंथायै बेनिफ्रायनो गाग्लोबनो थांखि लानाय जायो। बेराफासँ 5 साननिफ्राय सोलिनार्य बे दावहायाव इजराइलनि 1 रोजानिबो बांसिन सुबुंफोरनि जिउ गोमाबाय आरो सा 830 हमासनि सुबुंफोरनि जिउ गोमानायखौ दाबि दैखानाय जादों। खौरां मोन्नाय बादिब्ला, इस्लामिक जिहादनि



उतखारिफोरा बाहायनाय बिर्लिडखौबो एयारफर्सआ सिलिखार खालामदों। लोगोसे इजराइलनि मिडियानि गथायनाय खौरां बादिब्ला, इजराइल आर्मिआ जायखि-जाया समावनो गाजायाव गिदिर अपारेसनखौ जागायनो हागौ। सिगाडवनो 1 लाखनि बांसिन सांथिफोरा गाजा बर्डाखौ सिल

खालामदों। इजराइलनि गासै सा 3400 नि बांसिन सुबुंफोरा जोखोम जादोंब्ला गाजाआव जोखोम जानायनि अन्जिमाया 4500 नि बांसिनआव सौहैबाय। बेनि अनगायै वेस्ट बेंकआव 19 उतखारिफोरा बुथारजादों, जेराव सा 110 सुबुंफोरा जोखोम जादों। लेबान सिमनायाव हिजबुल्लानि फोसावदों।

उतखारिफोर थैनायनिबो खौरां मोन्नाय जादों। गासै 1900 नि बांसिन सुबुंफोरा दासिमाव जिउ गोमाबाय। बेराफासँ बे दावहायाव आमेरिकाया आथिखालाव गावनि सांथिफोरजों लोगोसे इजराइलनि हेफाजाबआव आवगायबोदों। थानाय सानआव इजराइलनि गाहाइ मन्थि बेन्जामिन आरो ज बाइडेननि गेजेराव थामथि खेब सावरयलायनाय जादों, जायनि उनाव हवाइट हाउसआ आमेरिकानि गुबुन हादरयारि मन्थिआ थानाय सानआव इजराइलआव दावबायगोन होन्नायै फोसावदों।

## बालासर रेल जात्रथायनि सा 28 सिनायमोनै गोथै सहखौ जोबथा बिदाइ होबाय

भुबनेस्वर, 11 अक्टूबर: उरिस्थानि बालासर जिल्लायाव जानाय गिखंथाव रेल जात्रथायनि 4 दान उनाव भुबनेस्वर नोगोर निगमआ सा 28 सिनायमोनै एबा दिथागिरि सिखारै गोथै सहफोरखौ जोबथा बिदाइ होनाय जाबाय। बे जात्रथायाव सा 297 सुबुंफोरनि जिउ गोमादोंमोन। अखिल भारतीय आयुर्बिगियान फर्सथान (एम्स), भुबनेस्वरआ सिबिआइ बिबानगिरिफोरनि नुजाथिनायाव गोथै सहफोरखौ नगर आफादनि



बिबानगिरिफोरनो गथायो। बे रेल जात्रथायखौ सिबिआइआ न। य बिजि रदों मोन। बिबानगिरिफोरा मंगलबार मोनाबिलिसिमाव सा 9 गोथै सहफोरखौ जोबथा बिदाइ होनो

नोगोर आफादनो गथायनानै होयो आरो आफादआ जोबथा बिदाइ होयो। जुन दानआव जानाय बालासरनि रेल जात्रथायनि गोथै सहफोरखौ एम्स-भुबनेस्वरआव दोन्दोंमोन।

नोगोर आफादनि कमिसनार भिजय अमृता कुलगेआ बुंदों, गावसोर गोथै सहफोरखौ जोबथा बिदाइ होबाय। एम्स भुबनेस्वरआव लानाय सा 162 गोथै सहफोरनि सा 81 खौ गिबि खोलोबआवनो नख'रनो गथायदोंमोन। उनाव डिएनए टेस्टनि उनाव गुबुन सा 53 गोथै सहफोरखौ नख'रनो गथायदोंमोन। बेनि उनाव सा 28 आ रावबो बिगोमा सिखारैआव एम्सआवनो दडमोन, जायखौ जोबथा बिदाइ होनाय जायो।

## आमेरिकानि हाथियारफोर लानाय उरां जाहाजा इज्राइलाव सौहैबाय

टेल अथिब, 11 अक्टूबर : इज्राइल आरो हमासनि गेजेराव गिखंथाव दावहा सोलिगासिनो दड आरो फारसैथिजायनिफ्राय लान्थियै रकेट गाग्लोबगासिनो दड। इज्राइल आरो हमासनि गेजेराव सोलिनार्य दावहाखौ लानानै आमेरिकानि हादतगिरि ज' बाइडेनआ थानाय मंगलबारखालि हर गेजेराव इज्राइलनो खोथा होदोंमोनदि, बिसोर मोनफोमबो थासारियाव इज्राइलजों लोगोसे दफायो। आथिखालाव आमेरिकाआ गावनि बे खोथा होनायखौ आबुं खालामनो हमाबाय आरो आमेरिकानि हाथियारफोरजों लोगोसे आमेरिकानि उरां जाहाजा इज्राइलनि हा सायाव बाग्लायहैयो। बेजों लोगोसेनो आमेरिकानि गुबुन हादतयारि मन्थि एन्टनी ब्लिंकनआ दिने इज्राइलाव दावबायहैगोन। आमेरिकानि गुबुन हादतयारि मन्थि एन्टनी ब्लिंकननि बे दावबायनाया इज्राइलनि फोथायनायखौ गोखों



खालामगोन। सुलुंडाव फोरमायनाय बायदिब्ला, आमेरिकानि हादतगिरि ज' बाइडेनआ बिबुंथि फोसावनानै इज्राइलजों जेब्लाबो लोगोसे थाफागोन होन्ना खोथा

होदोंमोन। आमेरिकानि गुबुन हादतयारि बिफाननि बुंथिगिरि मेथ्यु मितरआ फोरमायोदि,

एन्टनी ब्लिंकनआ गावनि दावबायनाय समाव बेनि सायावनो सावरयगोन। बेनि सिगाडावनो आमेरिकाआ इज्राइलनो मदत दैथाइ हरनायखौ जागायबाय आरो आमेरिकानि हाथियारफोरजों लोगोसे आमेरिकानि गिबि उरां जाहाजा इज्राइलनि हायाव लेन्ड खालामो। इज्राइलनि स्वाथि हन्जाया बेनि खौरां होनायै फोरमायोदि, आमेरिकानि हाथियारफोरखौ लांग्र गिबि उरां जाहाजा मंगलबारखालि बेलासियाव खोला इज्राइलआव थानाय नेभातिम एयार बेसआव बाग्लायबाय।

गोदान दिल्ली, 11 अक्टूबर : इज्राइल आरो हमासनि गेजेराव दावहाय दिने 5 थि सान जाबाय आरो दासिमाव 1800 निखुइ बांसिन सुबुंफोरनि जिउ गोमाबाय। इज्राइलनि सांथिफोरा हमासनि उतखारिफोरनि सायाव दोहौ जानानै गोहोम खोख्लैदों आरो गाजा पट्टीजों लोगोसे बोरियारि ओन्सोलफोराव गिखंथायवे बम गावगासिनो दड। बेनि गेजेरजों फिलिस्ताइनआ भारतआव जर'खा आर'ज गाबो आरो फिलिस्ताइननि थान्दै अलहैजाआ बुंदों, भारतआ अलखदखौ खम खालामनायाव बिफाव लानो थाखाय मोजां थासारियाव दड। अदनान अबु अलहेजाआ बुंदों, फिलिस्ताइन

मेक्सिमाम बिदुड 35 आरो मिनिमान बिदुड 19 डिग्रि सेल्सियासनि गेजेराव थानो हागौ। प्राइभेट बोथोर एजेन्सि स्काइमेट वेदारनि बायदिब्ला, दिने बोरियारि कर्नाटक, सा-केरला आरो खोला कर्नाटकयाव सरसनस्त्रानिखुइ गेजेर थाखोनि अखाजों लोगोसे माखासे



हादतफोर आमेरिका, सोनाब एसियायनि हादतफोरजों सोमोन्दो लाखिनो हागौ आरो गोजेननि फारसे खामानि मावनो थाखाय इज्राइलनि सायाव थारसिन्नो हागौ, जायखौ इज्राइलआ दासिमाव नेवसिगारबाय थादों। फिलिस्ताइननि थान्दैया भारतआव दरसेल' मख'जाथाव हादत, जाय वे दावहायाव हागाम बिफाव लानो हागौ होना बुंदों।

हादतफोर आमेरिका, सोनाब एसियायनि हादतफोरजों सोमोन्दो लाखिनो हागौ आरो गोजेननि फारसे खामानि मावनो थाखाय इज्राइलनि सायाव थारसिन्नो हागौ, जायखौ इज्राइलआ दासिमाव नेवसिगारबाय थादों। फिलिस्ताइननि थान्दैया भारतआव दरसेल' मख'जाथाव हादत, जाय वे दावहायाव हागाम बिफाव लानो हागौ होना बुंदों।

## बोथोर बिफानआ फेगौ 10 साननि आपडेट फोरमायदों

गोदान दिल्ली, 11 अक्टूबर: मौसुमी बोथोर बिदाय लानायनि उनाव आथिखालाव हादतनि बांसिन बाहागोफोराव लासै-लासै बोथोर स्रां जानो हमा। आथिखालाव माखासे बाहागोफोराव सोनाबारि नारसिन्थाइनि जाहोनाव दासिमबो थाद'-थाद' अखा

हागासिनो दड'। जुदि दिनेनि बोथोरनि बाथा बुडेब्ला मुम्बाइ, चेन्नाइ आरो इज्राइलाव बोथोरा स्रां जागोन। बे समाव मिनिमाम बिदुड 26 आरो मेक्सिमाम बिदुड 34 डिग्रि सेल्सियास थागोन। बोथोर बिफाननि बायदिब्ला, माहारियारि राजथावनि दिल्ली आरो



एनसिआरयाव दिने बोथोरा स्रां जानो हागौ। बे समाव मिनिमाम बिदुड 23 आरो मेक्सिमाम बिदुड 36 डिग्रि सेल्सियासनि गेजेराव थानो हागौ। लक्ष्मी, पाटना, जयपुर, चन्डीगढ़ आरो बुपालाव दिने सान्दु ओंखारगोन आरो बोथोरा स्राडै थागोन। बे शहरफोराव

जायगाफोराव गोबां अखा हानो हागौ। बेनि अनगायै सा-सान्जा भारत, सिक्किम, लेडाइ हिमालयनि सोनाब बंग, बोरियारि अन्ध प्रदेश, तामिलनाडु, लक्षद्वीप आरो आन्डामान-निकबार द्वीप हान्जायाव सरसनस्त्रानिफ्राय गेजेर थाखोनि अखा हानो हागौ।

जायगाफोराव गोबां अखा हानो हागौ। बेनि अनगायै सा-सान्जा भारत, सिक्किम, लेडाइ हिमालयनि सोनाब बंग, बोरियारि अन्ध प्रदेश, तामिलनाडु, लक्षद्वीप आरो आन्डामान-निकबार द्वीप हान्जायाव सरसनस्त्रानिफ्राय गेजेर थाखोनि अखा हानो हागौ।

